



**Grund und bericht, Vom gewalt und ansehen der Obrigkeit  
unnd schuldigen gehorsam der Unterthanen, gegen  
Geistlichen und Weltlichen, der gestalt zuvor nie gesehen  
noch an tag kommen, sehr nutzlich zuwissen, und newlich  
durch M. L. in Druck geordnet.**

<https://hdl.handle.net/1874/431499>

Grund vnd bericht/

# Vom gewalt

vnd ansehen der Obrigkeit  
vnd schuldigen gehorsam der  
Vnterthanen / gegen Geistlichen  
vnd Weltlichen / der gestalt zuor  
nie gesehen noch an tag kommen/  
sehr nützlich zu wissen / vnd new  
lich durch M. L. in Druck  
geordnet.

AVTHORE

Ieronimo Sauanorola.

Sambt den fürnemesten vnter  
scheiden / zwischen reiner Christlicher Lehr /  
dess Euangelij / vnd der abgöttischen  
widertwertigen / an Herzogen  
Heinrichen von Sachsen  
durch Phil. Mel.  
weiland ge  
stellet.

Anno. 1561.

Handwritten text at the top of the page, likely a title or header.

Large, bold, stylized text, possibly a name or title, written in a decorative script.

Several lines of handwritten text in a cursive script, appearing to be the main body of the document.

A single line of text, possibly a signature or a specific name.

A single line of text, possibly a date or a specific reference.

A line of text, possibly a closing or a final note.

A block of handwritten text, possibly a list or a detailed note.

A line of text, possibly a signature or a specific name.

A line of text, possibly a date or a specific reference.

Vorred.

Den Ehrwürdigen vnd  
Wolgeachten Herren / Herren  
Decano / vnd andern Canonicis /  
vnd mitgenossen / des lobwürdi-  
gen Senats vnd Capituls / des vrs-  
alten Stiffts Dnoltzbach / sei-  
nen günstigen Patronen vñ  
Förderern.

Gottes des Allmechtigen  
Vatters gnad vnd barm-  
herzigkeit / inn seinem geliebten  
Sohn Jesu Christo / vnserm ei-  
nigen Heylandt / mittel des heil-  
ligen Gelftes / vnd seines Göttli-  
chen worts / sampt meinen wil-  
ligen gefliffen diensten / mit aller  
reuerenz vnd ehriebietung alle  
zeit beuor. Ehrwürdige / wolge-  
achte / großgünstige Herren vñ  
A ij Patros

## Vorrede.

Patronen. Nach dem ich bißher  
ein frey Person / dz ich mit dien-  
sten niemand verhaßt / noch un-  
terworffen gewesen / hab ich auch  
nichts anders gethan / dann al-  
lein meinen studijs außgewar-  
tet / vnd denselben mit fleiß vnd  
lust obgelegen / vnd bißweilen  
durch reisen / bey geleerten leuten  
vnd in Libereyen etliche antiqui-  
tates Historiarum gesucht / vnd  
die mit grosser mühe zusammen  
getragen / auch viler Fürsten vñ  
Herren Genealogias vnd stem-  
mata beschriben / vnd etliche ver-  
siones in facultate Theologica  
publiciret / vnd an tag geben.

Seintemal ich aber sekund/  
alte Historien / welche zumor nie  
gesehen /

Vorred.

gesehen / zugericht / vñ ein Opus  
Chronicorum für der faust ha-  
be / darinn Ewer Wården vnd  
Herzligkenten Stiffts auch ge-  
dacht / vñnd sonderlich des Pa-  
trons S. Gumperti / Hab ich  
mit disem Werklein ein occasiõ  
genommen / damit solliches mit  
E. W. vnd H. willen geschehen  
möcht / vñnd darneben die alten  
fundationes bekåme / E. W. vnd  
H. dasselbige dedicirt vnd zuge-  
schriben. Nach dem es ein sehr  
alt stiftt ist / (vñnd ihm zu einem  
sonnderlichen lob gereicht) wie  
ich etwan auß den Würzburg-  
gischen annalibus vernommen /  
welches einer grossen Autoritet  
vnd æstimation bey den vorfarn  
A liij gewesen /

Vorred.

gewesen / das auch Ecclæsia Onoltzbachiana, post Herbipolensem, vel vt volunt Historici Arctanenſem, ſecundina, ſey genant worden.

Derhalben auch ein ehrwürdiger Decanus, deß Chorſtiftes Onoltzbach / allezeit in ſynodis, conuentibus, oder ſonſt Tügen / der nechſte / zu der rechten handt deß Biſchoffs von Würzburg geſeſſen / ſolche herligkeiten vnd priuilegia, ſampt andern Iurisdictionen, hat das Stifte Onoltzbach gehabt / vnd iſt ein ſtattlich ding vor alter geweſen / dz man ſekund Anſpach nennet / doch corruptè, das da geſchicht /  
vicio

## Vorred.

vitio linguæ apud vulgus, wirdt  
doch inn alten diplomatibus *D*  
*noltzbach* gefunden / quasi am  
*Holtzbach* / wie zu seiner zeit in  
dem *Tractetlein* / von dem vrs  
prung vnd Namen der Stette  
in Germania, gnugsam sol erkle  
ret vnd gehandelt werden / das  
in kurzen Tagen verfertigt / ge  
sehen wirdt / vnd vil herrlicher  
gelehrter Leute begeren zulesen /  
vnd desselbign außgangs war  
ten etc.

Wiewol ich mich dem Her  
ren *Decano* / vor vergangener  
zeit hab angezeigt / wie ich die  
version / auß dem Griechisch  
en / inn das Latein *Antiocheo  
ni, declamatoris olim Græciæ, &*

A iiii D, Chri



## Vorred.

D. Chrysofomi Præceptoris,  
vollendet (vñ dem Durchleuch-  
tigen Hochgebornen Fürsten/  
Georgen Friderichen/ein werck  
seinen F. G. zugeschriben/obers  
antworte) dieselbe einem ehrwür-  
digen Senat vñnd Capittel zu  
dediciren/ darüber ein beschwe-  
rung der Sprach vorgewendet  
wardt/vñnd ist etwan nit recht  
verstanden worden ic. Hab ich  
doch nit vnterlassen wöllen/dar-  
mit ein ehrwürdig Capittel des  
Stifts Dnoltzbach nit gar inn  
vergessenheit käme/vñnd wer vil  
herzlicher schöner Historien vñnd  
antiquiteten vorhanden/dassel-  
bige mit meinem fleiß vñ arbeit  
wie ein Chronicus wöllen zu ei-  
nem

## Vorred.

nein gedechtnus zieren vñ gleich  
renouiren.

So hab ich / meinen gnedi-  
gen vnd großgünstigen Herrn /  
zu einem vorsprung / vñ von der  
obgemelten vrsach wegen / diesen  
grund vnd bericht / vom gewalt  
vnd ansehen der Obrigkeit / bey  
de Geistlichen vnd Weltlichen /  
der gestalt zuuor nye gesehen /  
munere Poetico offeriren wölln  
insonderheit weil es vil handelt  
vom Kirchen ampt vnd geistli-  
chen Stand / daran der gemein  
Gottes des Herren vil gelegen  
ist / vnd offit von nöten zuwissen /  
dieweil die wolffart vnd seligkeit  
Leibs vnd der Seelen darin ste-  
het / vñnd nicht vmb das zeitlich  
A v zuthun

## Vorrede.

zuthun ist / wie man Kendt vnd  
Zinst einbringen / oder sonst ein  
Haußnarung suchen solle.

Welliche vorehrung vnd mu-  
nus E. W. vnd H. zu einem  
glückseligen neuen Jar / wollen  
mit gnedigen augen ansehen /  
vnd darneben mit gneigtem ge-  
müt auffnemen / vntertheniglich  
bittende / wollen mir darzu als  
einem vnbekandten / nichts ver-  
argen / das ich nicht nutz es oder  
gaben halb gethan / sonder der  
edelen vnd heiligen warheit zu  
gefallen / die jetziger zeit vnder  
der banck ligt / vnd mit füßen  
getretten wirdt / doch offte wider  
der Menschen willen / sich sehen  
lest /

Vorred.

lest / vñnd heller dann die liebe  
Sonne leucht vñnd scheinert ꝛc.  
Ir meine gnedige vñ großgün-  
stige / gebietende Herren / wöllen  
hiemit / in Gottes des almechti-  
gen schutz vñnd schirm / mit leib  
vñnd leben ewigklich beuolhen  
sein / vñnd die warheit des heyli-  
gen Euangelij trewlich helffen  
fördern vñnd handhaben ꝛc.

E. W. vñnd H.

Michael Lindner  
Poeta L. & Chro.

Handwritten text, likely bleed-through from the reverse side of the page. The text is significantly faded and illegible due to the quality of the scan and the age of the document. It appears to be organized into several lines or paragraphs, but the specific content cannot be discerned.

Grund vnd bericht/

# Vom gewalt

vnd ansehen der Obrigkeit  
vnd schuldigen gehorsam der Vn-  
terthanen/ gegen Geistlichen vnd  
Weltlichen der gestalt zuuor nie  
gesehen/ noch an tag kommen/  
sehr nutzlich zuwissen.

AVTHORE

Ieronimo Sauanorola.

## Das erst Capitel.

Das man allein einem Christ-  
lichen vnd rechtglaubigen Pabst/  
schuldig vnd gehorsam zu  
glauben sey.

**D**er Pabstwelcher dz haube  
der Christenheit sein will/  
mus auch glaubē wie ander Chris-  
tenleut/

stenleut/den er ein Mensch ist/wie  
ein ander Mensch/vnd auch einen  
vnd den Gott hat/der Himel vnd  
Erdt geschaffen/so er anders selig  
vnd ein Kind Gottes sein will. Vnd  
wann er nun glaubet warhafftig  
klich/on allen zweifel vnd irthumb/  
wie er schuldig ist/nach laut vnd  
inhalt/Gottes des Almechtigen  
wortes/wie die heilige Göttliche  
schriffte vermag/so seind die gläubigen vnd  
Vnterthanen/wie er glaubet/schuldig im glauben zugeben  
vñ dem als einem heubt der Christi  
stenheit gehorsam zusein/vnd dar  
nach billich schreyē vñat Papa vñat  
dann er hernach ein rechter Vñat  
ist/der Herdt Christi des Verren.

Vnd das nicht seinet oder seinet  
Person halber/sonder der vrsach/  
d3 er recht/nach vermög der Christi  
lichen artickel des Symboli vñ Got  
tes worts/glaubt/wie die warheit  
der bekentnis/inn der algemeinen  
Christliche kirchē ernordert vñ hat  
ben

Ben wil/vñ so jemand( wie dan die  
gabē Gotes verborgē/heimlich vñ  
wüderbar sein/dan bey jm kein an-  
sehē ist der person/wie in der argen  
zunichtē welt)es sey weib odr man  
wes stands es wol/solche notwen-  
dige Artickel besser vñ heller weißt  
oder glaubt/dann der Babst selb/  
eben mit demselben sol der Babst/  
so er in der Kirchen sein will/selber  
auch glauben/vnd jm ein solchen  
geringen Menschen/ein vor oder  
ebenbildt zuglauben sein lassen.

Dierin soler mit ansehen die Per-  
son/nach der welt art vñ gebrauch  
die auff hohe wichtige ding gafft/  
sonder soll ihm gefallen lassen/das  
die einfalt der glaubigen/Got an-  
genem sey/vñnd vor andern allen  
ihm gefalle/die zur Warheit des  
Heiligen Euangelij recht wan-  
delt/vñnd ein lust vnd einer darzu  
hat/ihā mit gewalt zu ihr reisset  
das Deylige. Also gebüret dem  
Deyligen Sanct Peter / Als  
einem



einem Principal vñ Obristen Bischoff/die straff des heiligen Apostels S. Pauli anzunemen/dieweil er straucht/vnd mit ein wenig/vnd diser mit strackem fus/nach steifer warheit des heiligen Euangelij/herein trat/die miszbrench/die daraus entstanden/anzeigt/vnd kein blat vor das manl namb.

Vnd so ein hohe vnd Geistliche Oberkeit wann sie irret/also die vermanung oder straff der Kirchen vnd gemein Gottes oder der gläubigē an nimbt/vñ nach der schrifft vnd dem winckelmas des heiligen Euangelij lebt/so seind die vnterthanen ihr schuldig/wie dann billich/gehorsam zusein allen denen/sie haben ein namen wie sie wöllen/als Bābsten/Bischouen/Ebten/Prälaten/Pfarhern/vnd dergleichen/insonderheit/wann sie einen erbarn wandel führen/vnd Christlicher warheit gemess leben/sie haben

ben hernach ein hohen oder nidri-  
gen Standt / darumb soll vnd kan  
man sich nicht wegern / inen auch  
für anderen glauben zugeben / es  
were dann / das ihres vnglaubens  
vñ vnerbern lebens / offenbare an-  
zeigen vorhanden were / vnd solli-  
ches vberzeuget wurden.

Doch sol niemandt darfür hal-  
ten / das die vnterthanen eigentlich  
als Gottes wort vnd gebotten selb  
den Prälaten zuglauben schuldig  
sein / dann solches wer dem Weili-  
gen Euangelio zuwider vñ entges-  
gen / Gottes des almechtigen eh-  
abbrüchlich / vnd ein giffige ketze-  
rey / hies auch auff Teutsch / die  
Menschen Gott den Herrn fürge-  
zogen / seiternal der glaub / nit von  
menschen oder einiger Creatur sein  
vrsprung hat / sonnder ein gab des  
grosmechtigen Gottes ist / die von  
oben herab kompt / vnd kan sich  
auch zutragen / wie die Distorien  
B vnd

vnd die erfahrung ausweisen/dz ein  
Prälat/Bischoff/la auch der h<sup>o</sup>  
beste im glauben vnd leben irn vñ  
fälen kan/das fast offte geschehen.

Wie dan der erst Pastor von dem  
Herz Christo selberwelet/der die  
wunderthaten des Sohn Gottes  
offt gesehen/vnnd des H. Geistes  
vol war vnd durchleuchtet/Geirt  
hat/welchs der Herz Christus ver  
hengeret/damit wir verstünden/vnd  
in der that erfürn vñ sehen/dz vnser  
glaub auf keinem Menschen/son  
der auff Gott dem H. Geist stünde  
vñ gebawet wer/dan dz ist warlich  
gewis vnd war/dz der glaub ist ein  
gab Gottes/vñ wie die Scribenten  
vnd Väter/der H. Schrift reden/  
heissen sie es Theologicam virtutem  
die allein Got verpflichtet ist/vnd an  
ihn allein glaubt/in welchem der  
gerecht oder Christglaube/durch  
den glauben allein lebet/vnnd für  
Gott bestehet.

Wie gefährlich aber stund es vmb  
des gerechten glauben vnd leben/das  
es an den Päbsten vñ nicht an der  
schrift gelegen war? hat aber nit der  
gröste theil vñ der meiste hauff der  
Romanisten vñ Päbste jemals auf  
das hefftigst vnd schedlichst geir-  
ret? das offft auff vilen Conciliē au-  
genscheinlich gesehen worden. Wie  
trutzlich/vñ aus eingeben des Sa-  
thans/haben Benedictus/Boni-  
facius vñ Johannes der 23/den ge-  
lauben zerrissen/vnd Gottes wort  
mit füßen getreten. Vñ jüngst Pi-  
us der ander/vnd Sixtus der viert/  
haben nicht besonder vil glaubens  
an Got den Herrn gehabt/dañ Pi-  
us hat im durch die zunichtē bulln  
aller welt Königreich zugeaignet/  
vnd dem lebendigen Teufel/vñ mit  
Got sein reich vñ hauffen gemehrt.

Aber Sixtus hat vber solchs/von  
Getanen eid in burgerlichen sachen  
vñ hendeln dispensirt/ia dz noch vil  
mehr zu verwundern/hat er einen/

vom Eidt den einer thun wolte/  
oder solt in zukunfft/frey quit ledig  
gezelet/vnd das durch offentliche  
Bullenbrieff/so mit Bley/nach  
Römischen brauch versigelt/bes  
stätiget/das heist sich der heyligen  
Apostel ampt vnd gwalt recht ges  
brauchen/vnd der gemein Christ  
lichen Kirchen zur besserung ahn  
Gott dienen. Item durch Bullen  
hat er auch nach der that angeno  
men vnd bestätiget/das sich ir vil  
der Romanisten/aus freuel mut  
will vnd geitz/on sein wissen vnd  
willn/ja einigen beuelch vnter  
standen habn/ist den das nit  
den schlüssel in dz recht  
schloss stecken/so  
weis ichs  
nicht.

Das

## Das ander Capitel.

Der heilige S. Peter / der S.  
briste vnder den Aposteln / vnd  
der erste Pastor irret / vñ ist von  
dem H. Paulo gestrafft wordē /  
auf dz die glaubigen wußten /  
was mit dem thumen saltz  
zuthun wer ic.

**E**s ist zwar kein Babst weiser /  
ansehlicher vnd heiliger / dan  
der liebe Apostel S. Peter / den  
sie doch für den ersten Babst hal-  
ten vñ anziehen / dieweil niemandt  
sol gebürn zum haubt der Kirchen  
zusagen / dem Babst / warumb han-  
delst du also? vñnd niemand sol ge-  
walt noch macht haben ihnen zu-  
straffen / noch etwas in ein zureden  
vil weniger in zurichten. So wirdt  
freylich der heilige S. Peter vnbil-  
licher weis von S. Paul gestrafft  
B iij sein /

sein/gibst du aber zu vñ nach/das  
ein Bapst im sal dz er auf dem sessel  
Petri sitzt vñ die schlüssel zu der kir-  
chē hat/irren mag vñ sträflich sein/  
vñ etwan nebn Euangelijcher war-  
heit/mit menschē tand vñ lehre ein-  
herfarn/so grob vnd gantz vnuer-  
schembt/dz mans nit allein verste-  
hen/sonder greiffen kan vnd mag.

Welchs nit allein die/so eins ho-  
hē verstands/auch welche mit den  
gabndes D. Geists begnadet/mer-  
cken vnd verstehn/sonder auch der  
einfeltig gmein Man sein mangel/  
fāl vñ laster offentlich am tag/als  
den Pawern an der Sönen sehen.

So frag ich nu/mein freunde/  
vñnd zürne nicht/von der war-  
heit wegen/sie muß doch endt-  
lich herfür/es hilfft da kein pan-  
zer für den stich/die spitz ist so  
scharff: Warum der Bapst/im sal  
das

das er der Obriste Principal ist / vñ  
darum ein drysechtige Kron tregt/  
den wir gern haben wollen / allein  
so er sich nach Gotes wort helt / nit  
von einem rechtglaubigern dan er  
ist / vnd so er irret / vnd des irthumbs  
vberweisen wirdt / mit sensstem Ge-  
müt gestrafft mag werden?

Dieweil auch der erst weisest vñ  
heiligest Pastor vnd Babst S. Pe-  
ter / von einem weisern vñ heiligern  
vor einer gantzen gemein / gestrafft  
ist worden / mit einem scharfen auf-  
heben vnd verweisen / vñ dz gesche-  
hen nach sichtbarlicher vñ schein-  
barer entpfahung des D. Geistes /  
gleich wie Ihesus seinen eilff Jün-  
gern ihres Hertzens vnglauben /  
vor der sendung des heiligen Gei-  
stes verwisse. Also hat Paulus das  
aufferwölte geschirz Gottes / mit  
offentlichem beschemen dē Apostl  
hanbt Petro sein forcht / Mensch-  
liche blödigkeit / vnbestandt / ärz-  
B iij gemus



gemus vnd verletzen der Christli-  
chen hertzen/mit rauchen worten  
auffgehoben/nach der sendung/  
welche er den starcken/als dem  
postel Barnabe/sampt den gering-  
glaubigen/durch sein heuchelen  
nachhinge.

Disen fahl hat Got der almech-  
tige vber Petrum Konien vñ gehen  
lassen/der in lieb/weisheit/demut/  
Manheit/vnd anderen tugenden/  
vor vilen begabet/suff das er mit  
größerem nutz/vnd vil stercker dan  
zunor/auffstunde/vnd also ein spie-  
gel/ja ein trost wurde der gemein-  
Gotes/die voller klöder vñ schwä-  
cher vnnolkonischer Leut war/das  
mit niemandt/wie zaghafftig er  
wer/ein ursach zu verzweifeln het/  
so noch bedürfften der genad vñ  
barmhertzigkeit Gottes/vnd ver-  
zeihung der sünden/auch berichte  
S. Pauli handlung sein/was den  
verstendigen/gegen dem saltz der  
erden

erden fürzunehmen / so es thut vnd  
vntreffig / dan es nirgent zu dienst  
lich ist / soll ausgeschüttet vnd ver  
treten werden / wann es vntreff  
tig worden / welches ein gewaltig  
vrtheil ist / wider die vntüchtigen  
Prälaten der Kirchen.

### Das dritte Capitel.

Wie der Spruch des Heiligen  
Petri / Seit gehorsam auch  
den beschwerlichen Her  
ren zuuerstehen  
sey.

**D**iese wort des heiligen Apo  
stel Petri / Als: Ir Knecht  
seyet gehorsam vñ vnterthe  
nig ewern Herren / nicht allein den  
guten vñ mildten / sonder auch  
den beschwerlichen: Bindet alhie  
der Maß Gotes die Knecht vñ Vn  
B v terthas

tertanen nit so gar hart/wie gemein-  
iglich fürgeben wirt/dan man wil  
draus schliessen/dz der bösen her-  
schaften gebot vñ verbot in alle sa-  
chen sie sein wie sie wöllen/gut oder  
böszuthun oder nit/die knecht vñ  
armen vnterthanen zugehorsamen  
schuldig sein/welchs sie abnehmen  
aus vnerstandt des Griechischen  
wörtleins τοῖς σκολοῖς, dz sie lesen die-  
kolis, vñ teutschen es/dz ist/leicht-  
fertigen bösen Buben/so bedent di-  
wörtlein τοῖς σκολοῖς, den verkrümmten  
vnartigē/beschwerlichē/wie Mat.  
19. Wie beschwerlich dem Reichen  
ins Himelreich zukommen sey. Da-  
rumb sol man aus dē gebot des Ap-  
ostls den vberlestigē vñ vnträgl-  
ichen/vñ nit den verworfnē gotlosen  
herren/die vnrecht/vñ wider Gott  
thū/gehorsam vñ vnterthemig sein.

Dan es ist gnad/vmb des ge-  
wissens willen/zu Gott beküm-  
mert zusein. Merck mit fleis/der  
sein gar vil &c. Das

## Das vierdt Capitel.

Wie der Obristen der Kirchen/  
als Päbsten/Bischouen/Prä-  
laten vnd dergleichen satzungen  
anzunehmen/vñ wañ sie selb für  
ir Person / zgedulden oder  
zuuerwerffen sein.

**I**n der schrift lesen wir/als die  
Phariseer dē hern fragte/aus  
wz ursachē seine Jünger dz ge-  
satz vbertrettn/gab er inen antwort  
geschwind / mit einer gegenfrag/vñ  
lehret sie in dem nutzlich mit einem  
spruch vnd hellen exempel. Der  
spruch ist/das der Prälatnsatzung  
vñ ordnung Götlichē gebot gleich  
nit zuhalten sein/sonst were im heili-  
gen Euangelio ein schwerer joch/  
dan je im gsatz des altn Testamēts  
gewesen. Das exempel lehret/wie  
die Christglaubigen/der obern vñ  
heubter jrung/die ergerlich vñnd  
wider Gots wort sein/widersechte  
vnd

vnd straffen mügen / vñ das heimlich / wann von inen heimlich müß  
gehandelt vnd vbel gethan wirdt  
offentlich aber / wann sie vor Me  
niglich vnuerschambt sündigen

Dann der Herz Christus / hat  
den Phariseern / ihr vnuerschembt  
vornemen vnd irthumb offentlich  
zugegen / vor die Nasen gehalten  
welliches bey der gemein Gottes  
sehr nutz vnd dienstlich ist. Sonst  
wo den Junckern in allem zugege  
hen / fielen sie gar leichtlich inn alle  
hoffart / vermessenheit vnd freuel  
vñnd werden hartnäckicht / das sie  
niemandt mehr straffen / vñnd von  
irem selbst gefallen abwenden mag  
Derhalben wann sie vnuerschembt  
wider jr ampt vñnd beuelch müß  
handeln / vñd zu dem jr vnrecht vñ  
irrung trutzlich verteidigen wölle  
so sollen sie des Herzen Exempel  
nach / ihres ampts billich entsetzt  
werden / vñd vor seiner gemein die  
Dienr

Diener forthin nit gehalten noch  
geacht werden/dieweil sie darzu  
vntüchtig/ja rewdig sein/vnd mit  
giff beschmeiffet.

Das ist dennoch wol warzunem  
men/das jr trew vermanung vnd  
des Herren wort in jnen nicht/inn  
theinem weg/verachtet werde/so  
lang sie auff dem stul Mofi sitzen/  
ist man schuldig/ihrer lehr vñ sag  
aus Gottes wort/nach zuthun/  
aber nit lenger sitzen sie drauff/vnd  
haben denselbigen inne/so lang die  
rechte/ware/reine lehr/jre werck  
vnd thun nit zu ruck treiben. Das  
ist/wann jr leben ergerlich/vnd sie  
durch jr Exempel vñ vorbild mehr  
verderben/dann sie durch jr blos  
wort auffbauwen vñ zuwegn brin  
gen/soll man sie mit nicht leiden  
noch dulden/dañ sie nichts dann  
ergernus bringen/sitzen auch inn  
solchem fahl/nit naehr auff S. Pe  
ter stul/sonder auff der spötter sitz/  
welche

welche die Nasen rümpfen / vñ mit  
den augn wincken / vñ allein fress  
wenst sein / welche nach der verma  
nung Christi / als schädliche glieder  
vñ verherger des weingartns / von  
ämptern abzusetzen vñ mit zuleiden  
sein.

### Das fünft Capitel.

Ob der Christenlichen Kirchen  
reichtum nützlich sey oder nit.

**D**As die kirch vil reichthum vñ  
gewalts vermöchte / mag  
nach sein verstand / gut sein  
vnd were vñ vielleicht auch besser / das  
sie bisweilen mehr vermöchte / dan  
sie hat / dan es ist je gut vnd löblich  
vil guts thun mögen / wo solches  
zu guten vñ besten angewendt wirt.  
Aber diser zeit ist es sehr schedlich  
vnd fast verderblich / das die kirch  
mit grossen reichthumern / vñ zeitlich  
chem gwalt vñnd pracht beladen  
vnd beschweret ist / vnd das nit als  
lein

lein darumb / das die gewalt vnd  
reichtumb vil vrsach zum argen vñ  
bösen geben / sonder dz der kirchen  
Denbter / die spitzköpff vil vnausz-  
sprechlich arges mit süßten / also  
sein die almosen vñ die Stifft vnser  
lieben vorältern / in ein grewlichen  
missbrauch kommen / seind auch  
mehr weltlich dan geistlich / behal-  
ten doch den Namen / den sie mit  
der that verneinē / zu morgens geist  
los / nach mittag gar Teuflisch.

Ist derhalben nit wol bedacht /  
noch angefangē / das sich die alten  
in der kirchē der gerichtshendl vn-  
terwunden / vñ vil zeitlicher gü-  
ter vberflüssig angenommen ha-  
ben. Dann weltliche Fürsten vnd  
Herren / begeren ire Diener vñ Pro-  
uisaner vonn den kirchen gütern  
zu vnterhalten / ihnen dieselbigen  
bisweilen auff iren Leib / vnd bis-  
weilen gar schencken / vñ die  
Bettelstück fressen / die gewöhn-  
lich



lich böse sitten haben / Christlicher  
ordnung vnnnd Polickey zu widerle-  
ben / vnnnd aller laster vol stecken /  
vnd so schön fromme / ehrliche / ein-  
gezogne / gotsfürchtige Perjonen  
zu den geistlichen ämptern kernen  
die der Werdt Gottes wol vnnnd  
trewlich vorstehen möchten / ver-  
derben sie doch an gemüt vnd ein-  
falt des glaubens / von vile der ge-  
schefft vnd zeitlicher sorg wegen.

## Das sechst Capitel.

Von dem Geistlichen Wucher /  
vñ ob der Babst / sich billich  
anmasse / der Teutschen  
pfründen zuuer-  
leihen.

**G** Geistliche ämpter verleihet /  
vnd teilet aus allein der D.  
Geist, von Gott gesandt, da-  
von

von alle geistliche dann den Tittel  
vnd Namen haben / wer sie aber  
anderstwo her begert / der laufft  
von im selbst / vnd wirdt ein vnge-  
hewers Thier ein Wolff / ein verfu-  
rer vñ Simonist / das ist / ein geist-  
licher Wucherer / nach dem er sich  
der geistlichen gaben Gottes / ahn  
Gottes beneich / durch zeitliche  
mittel / wie Simon Magus bege-  
ret zugebrauchen. Darumb die  
Geistlichen Recht / der Geistlichen  
ämpter nutzung gleiches werdt  
acht / dieweil solche zu vnterhal-  
tung der geistlichen dienstn geord-  
net sein / vnd schliessen das solche  
güter vnordenlich / vñ mit Simo-  
ney offt vberkommen / vnd wider  
verendert werden.

Was nun dermassen kan vber-  
kommen / vnd wider begeben wer-  
den / desselbigen guts ist der inh-  
ber kein Herz / besitzer noch eygen-  
thummer / derwegen volgt / das  
C die

die Thumb vnnnd Stifftherin der  
Pfründen / vnd der Pfründen ein-  
kommens eygenthumer nit seindt  
vnd sie nicht ihrens gefallens ver-  
geben mögen. Desgleichen ste-  
het dem Römischen Babst nit zu  
etwas vonn den Pfründen zuver-  
schencken / zu verkauffen / zuuertau-  
schen / oder etwan ein gerechtigkeit  
jemandt zugeben / vnd vber einem  
blossen beuelch / das der belehret  
getrewlich mit handle. Einem vn-  
trewen ausspender / vnnnd eigennüt-  
zigen diener / sol vñ mag auch der  
Babst nit zusehen / von wegn grö-  
serer gefärlichkeit zuermeyden / die  
von Tag zu tag einreissen / so man  
durch die finger sihet.

Was weiters in pfründen vnd  
geistlichen hendeln fürgenomien ist  
oder wirdt / ist alles Simoneisch  
vnnnd ist ein grosser vbermut / vnnnd  
ein thorecht ding das der Babst zu  
Rom / aller welt Stiff / almosen  
vnd

vnd pfründen/auff sich zeuhet/vñ  
ist ihm selb ein grosse beschwerung  
vnd ein vntrügliche last seiner eygen  
bürden/wirdt auch dardurch sein  
ampt zu nicht gemacht/vnnd von  
den geistlichen selb/die er beschwe-  
ret/verlachtet. Das er sie aber  
ausleyhet/vnnd auff nachgultig/  
geltfuchtig Leut/vmb dienst/ge-  
schenck/oder geldes willn verwe-  
det/ist nit ein billiche rechtmessige  
austeilung götlicher ämpter zune-  
men/sonnder es heist götliche vnnd  
geistliche sachen vnnd handel dem  
glück dem Mammon oder Munn-  
Mun vñ copisten schreibern beuel-  
hen/die mehr mit den roten gulden  
vmbgehn dan mit dem Biblbuch.

Das dem aber also sey/do bedarf  
es nit vil probirens/nach dem es  
durch alle Prouincen geschicht/dz  
ein ware anzeigung ist/wie wes-  
nig dem Babst vñ andern Roma-  
nisten/das ist bösen Christen/wie

sie dann da hauffenweis gefun-  
den / nach dem sprichwort: Ueber  
Rom / ärger Christ / an Gottes des  
Almechtigen ehri gelegn sey / die  
allein auff allen pracht / gut vñ gelt  
acht haben / vnd tag vñ nacht dar-  
nach dichten vñnd trachten / was  
aber für ärgernus draus ernoign /  
ist mänigklich bewust / vñnd Got  
erbarm es / vor augen / wer das nit  
glauben wil / der lese vonn den Rö-  
mischen misbrechen / das ander  
Büchlein / so inn sich helt Basler  
constitution / des heiligen Babstis  
Leonis satzung vñ concordata prin-  
cipum, so wirst du finden / wie fern  
auch wider jr selbs recht / vnd alle  
billigkeit / die Curtisanen sambt jr  
Abgott dem Babst / alle Nationen  
beschwären / vnd aussaugen / wer  
es nit glauben wil der las es / mus  
er doch mit sehenden Augen  
blindt sein / dieweil es  
auch die Pawern  
greiffen ꝛc.

Das

## Das sibent Capitel.

Von Menschen satzungen / vnd  
irem tandt vñ leh: / die alle auff  
ein hauffen eitel / vñnd vor  
dem angesicht Gottes  
zunicht sein.

**A**lle Menschen satzung / die in  
vnd auff Gottes wort nit ge-  
gründet / vñnd demselbigen  
fürgezogen werden / sein eitel vñnd  
ein grewel vor dem angesicht des  
Herren / vnd verbinden niemandt  
bey einer Todsünd / sollen auch die  
Ceremonien an genugsam vrsach  
nit verachtet werden / sie sein denn  
dem heyligen Euangelio zuwider.  
Als Christus Math: am 5 vñnd 6  
Capitel thet / da er erkleret das ge-  
satz Gottes / so die Phariseer vñnd  
Schrifftegelerten verdunckelt het-  
ten / welchs vns nur anklagt vñnd  
C iij tringet

tringet zubitten vmb ein sterckern  
geist Christi/inn dem wir solch ges  
satz allein halten/so weit wir im  
glauben erwachsen sindt/dan das  
endt des gesatzes ist Christus der  
Sohn Gottes.

Wie fern aber aufgesetzte Faste  
tag/vnd bestimbte gebet zuhalten  
oder verbinden/zeiget hinwider die  
göttliche schrift genugsam an/die  
in keinem weg von nöten zuhalten/  
so mißbreuch vnd abgötterey dar  
aus entstehen möchten/vnd sol die  
Kirch Gottes in keinem weg daran  
gebunden sein/wan aber etwan ein  
gute ordnung zur fürderung göt  
liches worts nutzwere vnd dienet/  
vnd den Jungen Christen/inn  
der Gemein Gottes gut exempel  
gebe/sol man sie mit allem fleis  
vordern vnd halten/damit Gottes  
wort gepflantzet vnd ein guter  
wandel vnder den gelaubigen  
auffgericht vnd gepreyset wurde/  
zu

zu lob vnd ehre dem Herrn / vnd zu  
auffnehmung der Christenheit.

Also seindt der Prälaten / vnd  
Kirchendiener gebot vnd Statuta  
zuhalten / so fern sie nit wider Gots  
wort / wie zuuor gesagt / vnd  
nicht von geldtes oder nutztes we-  
gen auffgerichtet / vnd ein Kres-  
merey sein / vnd ein nützen verstand  
vnd deutung haben / vnd die  
Eygenschafft inn sich halten / das  
sie zur auffbarung der Christe-  
lichen Schar / vnd besserung  
des Nächstens / förderlich sein /  
vnd nicht vmb ihrer selbs oder  
prachts vnd laruen willen / die  
ein schwacher / so er sich daran  
ärgern wolte / wol ohne Todts-  
sünd vnterlassen mag vnd kan /  
vnd nicht desto weniger des  
Euangelij volthommenheit lie-  
ben vnd ein Kindt des Liechtes /  
bey der blossen / lauterer War-  
heit



heit bestendig / stracks verharren /  
vnd gewis on alles zweiueln blei-  
ben / dan es ist besser bey dem blo-  
sen wort Gottes on Irthumb / dan  
bey vil Ceremonien / aufferhalb  
demselben mit ärgernus verharren.

Wer wolt der blöden menge /  
einen solchen strick an den Hals  
werffen / vnd weitter / dann Gottes  
wort in sich hielt / dieselbige binden /  
es wundert mich dz jemand were /  
der aus einer ermanung gebot / die  
von nöten zuhalten wern / machen  
wölte. Aller Kirchen gewalt / ist  
gleich wie eines Artzes / gegen sei-  
nem Francken / dan Menschen sei-  
tzungen seind nur ermanung. Ein  
Dirt weidet nicht weiter / dann so  
weit das Viech abetzet vnd isset /  
heylet auch nit mehr / dann so weit  
oder fern die Schaf gesundheit er-  
langen. Also auch kan ein Pastor  
die Gemein des Christlichen Volk-  
ckes / nit härter verknüpfen / dann  
so

so fern Gottes wort streicht / vnd  
die bandt der lieb binden / oder ent-  
ledigen / disen gewalt hat die Kirch  
vonn dem Herrn entpfangen / das  
sie beide / so der Prälat oder Pastor  
trewlich dienet / vnnnd der zuhörer  
aus glauben dem nachkompt / die  
frucht jres beruffs erlangen.

In Summa / gleich mit zweien  
worten / darinn der rechte verstand  
gefunden wird / vnd nicht vil grü-  
belns noch disputirens bedarff /  
des bisher vnzelich vil / on einigen  
nutz geschehen.

So steht der ganzen Kirchen  
gewalt im weiden / vnd der nutz  
des weidens / an dem / das der  
vnterthan oder zuhörer / vil oder  
wenig / geweidet vnnnd gebessert  
wirdt.

Darumb sol man die zeit des  
schnids nit versäumen / man bringt  
C v sonst

sonnst nichts inn die schewren/  
vnnnd mus hernach zu der zeit des  
Winters / vnnnd der noth hung-  
ger vnnnd mangel leyden / vnnnd  
anderer Leuthe genaden leben/  
vnnnd im ellend herumb stürtzen/  
vnd verlassen sein / das gar wehe  
thut / vnnnd fast erbermlich ist /  
aber wenig gnad vnnnd trew bey  
frembden gefunden.

## Das acht Capitel.

Von gelübden / vnnnd gehorsam-  
der saktionen / vnnnd den  
menschn erfunden.

**W**ider die versuchung des  
Fleisches vñ vnkeuscheit/  
die im blut vnd fleisch ste-  
cket des Menschen / vnnnd vnser an-  
geboren eygenschafft vnnnd Natur  
ist / hat der Heilige Apostel Paulus  
ein guten Rath geben / der  
inn

im allen dingen bewert ist/vnnd  
den stich helt/ Nemlich zuner-  
meyden Durerey / hab ein jedlis  
cher sein eygen Eheweib / dann  
es ist besser Ehlich sein/dann en-  
zundet sein vnnd brinnen. Ihr  
sollet nicht einander berauben/es  
sey dann villeicht aus beyder be-  
willigung (das nicht beim besten  
ist/vnnd ohn beuelch geschicht)  
noch gelegenheit euch zum fasten  
vnnd betten zumassen/denn thund  
euch wider zusammen/auff das  
euch der Teuffel nicht versuche.  
Diser Rath inn der gefahr aller  
versuchung/als der blödigkeit/  
vngeduldt/vnbestandt zc. ist wol  
anzunemen.

Es ist ein frag: Ob jemandt des  
Apostels rath/die schwachen vn  
blöden belangen/noch thommen  
möge oder begeben/vnd ob solche  
begebung/ohn wandel verbinde/  
das fürthin ihm nimmer zustehet/sol-  
chen

chen Apostolischen Rath anzunehmen / Glaub du mir vorwar / das gewis ist / kein gelübd bindet nicht zu verlassen den sichern vnd heyligern Standt / vnd gefelt ein thöret verheissung vnd gelübd Got in keinem weg / bindet auch nit / Gleich wie ein vnrechter Eidt / wider das gewissen vnd der Selen heil / auch niemand binden. Eben das wil der Apostel Paulus / das von wegen der vnkeuscheit / zu heyraten sey / Dann es nicht inn vnser / sonnder inn des DEXXII macht vnd Gaben stehe.

Also gibt nach / vnd bevilcht der DEXXIII Ihesus / Gottes des Allmechtigen Sohn / das man von der vnbeständigkait wegn / von einer Statt zu der andern fliehen sol / so dient der rath für die schwachen vnd blöden / damit sie bey der gesundhait erhalten werden / vnd die selbig befürder / vnd wehr auch als  
lem

Item dem / das der gesundthait ent-  
gegn vnnnd zuwider ist / disem helln  
Spruch nach / so man ihn recht  
verstehn kündt / wer nicht wider  
euch ist / der ist mit euch dran / von  
dergleichen Materi / magst du Aus-  
gustinum / den Hailign Scribētn  
vnd Vatter / an viln örtn lesen / von  
gelübden der Menschē schreibend.  
vnd ander Professores der hailign  
Schrifft mehr / die gleichs fahls  
daruon handln.

Vnd ist ein satter verstand hoch  
von nötn / wider den blindē gedich-  
tē glaubn / der Dirnd sol waidn / dz  
sein ampt ist / die Herdt aber ist dē  
Dirtn vnterworffn / doch nit gar /  
darumb hat sie ihr Vernunfft / das  
mit sie es prüfen sol / was gut oder  
nicht gut sey / vnnnd hat ein höhern  
vnd oberern Herrn / von welchem  
dē Dirtn die Schaf benolhn / auff  
welchs stimb vñ horn sie acht ha-  
ben sol die Herdt / dasselbige horn  
ist

ist Gottes wort/das hailig Euan-  
gelion/vonn der Herdt/wirdt nicht  
nichts anders ernordert/dann al-  
lein/das sie dem Hirten gehorsam  
sey/die Herdt sol auch wol vnter-  
schaiden/was speise sie genieße/ob  
es ihr tiglich sey oder nit/auff das  
die waide nicht vergiffet/vnd dar-  
neben fleissig vermeide/die besle-  
ckung/vnnd ob gleich die Hirten  
grossen schein fürgeben/dennoch  
wirdt sich die Herdt inn keinem  
weg dardurch entschuldiget ha-  
ben.

War ist es/das Volck sol dem  
Hirten zur Waide nachuolgen/  
wann er aber nicht waidet/so ist er  
kein Hirt/sonder ein Dieb/vnd ist  
im die Herdt zuuolgen nicht an  
das wenigst schuldig. Ein rechter  
Oberkeit gebeut/auffrechte weise  
ein billiche gute sach zumerbringen  
der man gehorsam vnnd schuldig  
ist vnterthenig zusein/so aber ein  
rechter

rechte sach auff ein vnrechte weis  
gebottn/sol man democh ein gu-  
ten willn erzaign vnd sich ducken/  
dann die rechte sach/ist für sich selb  
gut/darumb geschribn/was sie sa-  
gen das thüt. So nun etwas vn-  
rechts/wiewol vnwissent gebottn/  
vnnnd der Gemain verstandt weis  
es besser/so ist er schuldig/vnd hat  
vrsach sich des gehorsams zuwe-  
gern/vnd das erkandt besser anzu-  
nemen/ob der Besatzgeber gleich  
fromb vnnnd guthertzig were/vil  
mehr ist nit gehorsam zusein dem  
vnrechten/menschlicher vnd  
böser satzung stiffer vnd  
gebieter.

**Das**



## Das neundt Capitel.

Das inn allen gebotten / Gott  
vns ihm allein verpflicht / vnnnd  
das ein Prälat oder Pastor /  
Gottes des Herren Diener / im  
selbs nicht verbinden mag / son-  
der er muß in vnter Gottes  
gehorsam vnd wort frey  
lassen.

**D**as ist gebotten die lieb des  
Nechsten / vnnnd bin hierinn  
allein Gott / von dem dieses  
Gesatz ist / verbunden. Aus wel-  
chem grund David sagt: Dir al-  
lein / dir hab ich gesündigt. Wir  
seindt wol etlichn verpflicht / als  
der Obrigkeit / vnnnd sonst erbarm  
Personen / welche der warheit zu-  
gethan / das wir in alle Ehr vnnnd  
reuerentz / danckbarkeit / dienst vnd  
widerz

widergeltung/erzeigen/Darumb  
sagt der Apostel/das wir niemant  
verpflicht seind/dann allein vns/  
das wir vns selb vntereinander lie-  
ben/also beweist er/das wir ein-  
ander dienen vnd zuliebn schuldig  
sein/welches nach reiner lehr inn-  
halt zunerstehen/wie die Gebott  
Gottes des DERN lauten vnd  
ausweisen/die da seind gleich als  
ein spiegel Menschlichen lebens/  
welches darinn rein abconterfect  
vnd gemalet wirdt.

Der vsach halber/sein wir vn-  
sern vorstehern alle Ehrerbietung/  
den Eltern liebschafft/den gutthät-  
tern danckbarkeit/dē Armen hülff  
vnd dienst/so fern inen solchs/vñ  
der Gemein zur besserung/dienet/  
dierweil wir ans pflicht gegn Got/  
in vnsern Nechsten/frommen zu-  
schaffen schuldig sein.Darumb die  
lieb des nechsten/wie die lieb gegn  
Gott/beide Gottes gebot sein/vñ  
D vns

vnds nach götlichem willen vnds  
Mandat/ ja wolgefallen verbind  
den. Dergleichen alle andere gebot  
Gottes/ als/ das ich nicht tödten  
nicht hassen/ nicht nachreden sol  
verbinden mich eigentlich/ Gott  
dem Herren/ vnds bin dem Mens  
schen nichts verpflichtet.

Dann kein mensch/ der Gott er  
geben/ hat mir ein einiges Befehl  
aufgelegt/ sonder allein Got/ mein  
Herz/ des Knecht vnds eygen/ so  
leibeygen ich bin/ so volget nun  
ohn alle hindernus/ das kein Sa  
tzung/ vonn Oberkeiten Geistlich  
vn weltlich/ oder auch von der ge  
mein Gottes/ ihr selbst aufgelegt  
weiter verbindet/ dann ihr inhalt  
aus Götlichem Gebot vnd wort  
gebotten ist/ dann die Oberkeit  
auch von Gott geordnet/ ist allein  
ein Dienerin der Ehren Gottes  
des Allmechtigen/ vnd hat nicht  
wider Gott vnds sein wort zuge  
bieten

bieten/vnnd so sie es thut/ist sie  
nicht Gottes/sonnder des lebena-  
digen Teuffels/Zaffmagdt vnnd  
Schlepsack.

Wir sollen vnser Oberkeyt/vnnd  
Vorstehern/gehorsam sein/das ist  
Gott seind wir schuldig den gehor-  
sam/welchen wir bey einer Ober-  
keit erzeign/gleich wie wir mit ih-  
nen/sonder Got verbunden sein/dz  
wir sie als vnser Nächstten/vnnd  
gleich Vätter lieben vnd fürchten/  
Darumb ist von nöth/das wir ih-  
ren Gebotten/die nit wider Got vñ  
sein wort/vnterthemig sein/vnnd in  
allen billichen sachen willfahren/  
so lang sie ihrem ampt vnd beruff  
nach/trewlich handeln. Dann  
nichts sol vmb Gottes willen/wie  
der Gott beschehen/daher nun of-  
fenbar/was vnnd wie vil sie gebie-  
ten mögen/vnnd gewalt haben/  
nach jr selbst vnnd der vnterthanen  
Gewissen.

Es ist wol ein anders / in Bürg-  
gerlichen sachen / dann in denen die  
das Gewissen belangen / vnd zeyt-  
liche satzung machen / so weit sich  
erstreckt die begir vnd wolmeinung  
gegen dem nutz / so das gebot for-  
dert / wie ein schwacher vnd krank-  
cker dem Artzte zugehorchen schul-  
dig ist / so er aus seinem rath vnd  
fürgeben Gesundtheit zuerlangen  
verhoffet / es sey gleich wenig oder  
vil / dann die hoffnung macht le-  
bendig / so aber ein schwacher die  
vnerfarung vnd nârrisch vorgeben  
des Artztes / würd er im nicht vil  
glauben geben / vnd sich äffen las-  
sen / Also geschicht auch einer vn-  
ordentlichen Obriqkeit / von ihrer  
Vnterthanen / von welchen sie ver-  
lacht vnd verspottet werden / vnd  
sie in allem vernichten.

In summa / einem jeden gebot  
ist jederman gehorsam zusein schul-  
dig / so viel er gutes / aus haltung  
des

desselbigen verhofft. Vñ nach diser  
Regel ist es gewis / das gehorsam  
sol auff vñ / wann aus erstattung  
des gebots ärgers volget / vñnd ist  
gleich ein ding / als wann ein jun-  
ger schuler knab der freyen künsten  
Preceptori wolt obligen / auff das  
er geschickt wurde / vñ wol Latein  
reden lernte / vñ verseumet bey dem  
Vatter seine narung vnd leibs auf-  
enthaltung / wurde er / wiewol er  
gute Regel het / sein Leib vnd leben  
verliern / vñnd möchte sich forthin  
der freyen kunst / vñnd das Latein  
redens in keinem weg gar nit frew-  
en / darumb er sein narung zusuchen  
vnterlassen het.

Also in andern künsten / gebre-  
chen vnd regierungen / ja auch inn  
der heyligisten Bábstn / wie sie sich  
nennen / vnd Keyser satzungen / ist  
die Daubtsamb vñnd fürnembste  
punct anzusehen / welchen allen /  
auff einem hauffen / man nit weit-  
D iij ters

ters ist gehorsam zusein/als einem  
Medico vnd Artzet ein Krancker/  
der nicht weiter glaubt/denn das  
er sibet/vnnd gesundheit befindet.  
Allein wende man fleis an in dem/  
das man recht beschliesse/vnnd nit  
aus begir eigens willen/sonnder  
nach nutz der Gemein/besserung  
an Got vnd seine ehr richte/wann  
aber am vrtheil vnnd verstandt jey  
mandt sal hat/der pflege weitters  
rath/bey erfahren/erbarn/redlichen  
Leuthen/vnd neme an was im  
vnd vilen zur besserung vnd  
Dail dienet.

Das

## Das x. Capitel.

Das der Babst / bey einer todts-  
sündt nichts zugebieten  
hab.

**D**ie notturfft des gehorsams  
hengt an des gebieters wil-  
len / an gestalt vnd notturfft  
des Gebots / vnd ahn dem nutz /  
vnd der frucht / so aus haltung  
des Gebots volget vnd gehet.  
Dann Gottes will ist / das der vor-  
steher Weisheit / die einfältigen /  
vnerfahren vnterthanen vnterrichte /  
bessere vnd zu Gott führe. Also ist  
die frucht des gehorsams / ein weis-  
heit / welche Gott wolgefellig ist /  
Darnumb wer die Pastoren vnd  
Prälats der heiligen Apostel nach-  
folger höret / der höret Christum  
den **HERRN** selb / vnd wann sie  
nach der mainung Christi / vnd  
wort Gottes lehren / vnd etwas  
zu thun / gebieten / so solle man  
D iiii jnen /



inen/als Gottes Weisheit selbst/  
geborchen/sonst seind die/ so das  
heylige nit lehren/sonnder ih̄n geit  
vnd Menschen tandt/nit zuhörn/ich  
geschweig anzunemen.

Wie der liebe heylige Paulus/  
den Apostel Petrum/seinen mit-  
bruder nicht hörn wolt/inn dem  
das er durch sein Exempl die Wä-  
den abfüret/ Also thut nichts zu  
gehorsam/des Hirten oder Präla-  
ten schein vnd ansehen/er sey so ge-  
waltig/prechtig/stoltz er inder ma-  
wölle/sonder die warheit Gottes/  
vnd weisheit des Herrn im Euan-  
gelio fürgetragen/tringet durch/  
vñ hat ein authoritet in einem wa-  
ren Pastor/darin er sich sehen leß.  
Auch ire Canones vnd gebot bin-  
den den Vnterthan nit weiter/dan  
sie inn Gottes Wort gegründet  
sein.

Darumb mügen sie lautter nit  
jemande

jemandt bey einer todtsünd gebie-  
ten / es hab dann die vbertretung  
an ihz selb ein todtsünd / aus Gottes  
verbott anhangen / die glaubigen  
kan sonst der Pabst mit nicht bin-  
den / nach seinem willen vnd gefal-  
len / in gemeinen sachen. Wiewol  
Papa Pius 2. mit dem Namen / mit  
der that aber impius / auff den alann  
seiner Berckwerck halb / vnd der  
gleichen vil ding / Bulla Cene Domi-  
ni, Todtsünd / vnd Christlich-  
chem Bann gesetzt  
hat.

**D v Das**

## Das xi. Capitel.

Das auff dem Stul Moisi /  
lein die sitzen / so da lehren /  
das Moises gelehret  
hat.

**D**iser spruch sol wol betrach-  
tet vnnnd bedacht werden /  
auff dem Stuhl Moisi sitzen  
en die Schrifftgelerten vnd Phari-  
seer / bedarff nit vil probierens / oder  
einer sonnderlichen auslegung /  
dann auff den Stul Moisi sitzen /  
heist lehren wie Moises gelehret  
hat. Item diser anhang nach ih-  
ren wercken sollet ihr nicht thun /  
mässiget iren gewalt / dann so sie  
auch nach Iren bösen Wercken  
leeren wurden / vnnnd das / well-  
ches Moisi Leere entgegen sein  
wurde / soll man sie nicht hören /  
sonnst thete man nach iren Wer-  
cken / die zu thun gantz vnnnd gar  
verboten

verbotten sein/darumb sitzen sie  
forthin auff dem Stuhl der zu-  
nichten Spötter/vnnd nicht auff  
dem sessel Moisi/der aus dem hei-  
ligen Geist/von den wercken des  
Christelichen Glaubens/inn der  
warheit geredt hat.

Doch mögen böse Buben Moises  
lehren/die doch nicht Moyses  
verstandt vnnd glauben haben/  
vnnd den Leuthen durch ihn ein  
Nasen drehen/gleich wie die fals-  
sche Lehre/vnnd menschen thandt  
einen lebendigen Menschen/inn  
Christo glaubig/vonn aussen be-  
wegen mag / also beweget den  
begnadeten / die todte Lehr der  
Phariseer / desshalben lehret der  
Apostel/das wir alle ding be-  
weren sollen/das ist/prüffen/vnd  
das gut behalten. Was sie nun  
sagen/soll nicht ihrer verruchten  
begird vnnd effecten nach/sonn-  
dern nach der schmir vnnd Re-  
gel

gel des Stuls Moisi verstanden/  
vnnnd forthin angenommen vnnnd  
behalten werden/sonst sollen wir  
nicht halten/das sie neben dem  
Stul vñ vrteil Moisi reden/damit  
sie ire miszbrench vnd falschen gots  
tes dienst beschönen/vnd ihre sacket  
vol füllen.

## Das xij. Capitel.

Das nit falsche lehr vnd Menn  
schen tandt/ vmb zeitliches frö  
des willen/ anzunemen  
noch zufördern  
sey.

**D**AS der Vnterthan/ seines  
Oberherren billichen vnnnd  
rechtmessigem gebot schuld  
dig ist gehorsam zusein / beuillt  
das natürliche recht. Seintemal  
aber Gottes gebott vnnnd sein wort  
allweg

allweg war vnd recht seindt / so sol  
man dieselbigen alweg stracks / on  
ausreden halten / aber andern ge-  
botten der Menschen mit vnter-  
scheidt / darumb Paulus zu den  
Galatern klar bezeuget / das auch  
ein Engl vom hohen Dimel / so ein  
ander Euangelion fürbrechte / ein  
fluch sein sol. Alle gesetzgeber wol-  
len vnd gebieten / das man inen ge-  
horsam sey / aber ein frommer treu-  
er Prelat vnd Pastor suchet in dem  
gehorsam / der vnterthanen auff-  
wachsen vnd zunemen / dagegen  
der vnartig Mietling / mit seinem  
gebieten das vngegründet / nichts  
anders begert noch suchet / dann  
das er seines gefallen herrschen  
müge.

Warumb solt man nun on vn-  
terscheid einena jederman gehor-  
sam sein / dann verleugung seines  
willens / ist allein gut / so es ge-  
schicht vmb Christi willen der heis-  
lige

lige Mönch Bernhardus spricht  
das inn dem abgrundt dem ferren  
gen pful/nichts anders brenne  
dann allein eygner will/aber dem  
noch ist solliche Döllische willen  
brechung nichts nutz / dieweil  
sie nicht geschicht/aus einer geist  
lichen freyheit / vnnnd obern frey  
en willen/ dargegen möchte man  
sagen : Du richtest aber vnre  
sn ? vnnnd verletzest die Liebe/  
Aber diser gegenwurff / verstehet  
nicht die krafft der Liebe : Es ist  
Gottes lieb on ziel vnnnd mas/die  
keinen anfang noch ende hat/all  
daruon zuredn/vnd vnaussprech  
lich ist/vnd ja nicht mag begriffen  
noch mit eines Menschen zungen  
erreicht werden/so wenig die weis  
heit Gottes selb/rc.

Die Brüderliche Lieb aber  
so gegen den Menschen ist/sich  
an ire entpfangenen Gaben/die  
größer ist vnnnd wechset/gegen den  
größ

grössern Gaben/also das etwas/  
inn geringern dingen vnd schäden/  
die grössern zunichtern/mit wil-  
len zugelassen würd. Brüderliche  
cher friedt/so er dise Brüderliche  
lieb nit abtreibt/sol alweg embsig-  
lich gehalten werden. Sonst wo  
ein gefar/der Brüderlichen Lieb-  
vor Augen/soll der zeitliche haus-  
friedt in alweg hingeworffen wer-  
den/vnnd vor nicht geacht sein/als  
so auch inn Geistlichen sachen/wie  
dann oben berürt ist/soll nicht von  
wegn des rüwigen lebens/das ge-  
wissen beschwerdt/vnnd wider  
Gottes wort gehandelt werden/  
dardurch man ein ewig nagenden  
Wurm erlangete/den niemandt  
darnach/auch mit Gottes wort  
nit/stillen kündte.

Mit den verstockten Irrenden/  
vnd vergiffen Menschen/die Kin-  
der sein der Finsternus/vnd Welt-  
buben/des Teuffels Apostel vnd  
vorlauffer!



vorleuffer / sollen die Kinder Gottes  
des Herrn kein gemeinschaft noch  
einigen fried noch pact haben / bey  
verlust irer Sehl heil vñ sälligkeit  
Dann was gewerb vñnd thun hat  
das liecht mit der finsternus? Der  
halben sol sich niemandt zu einem  
gehorsam / darinn ein gefahr / ver-  
ursachen / vnter einem vergeblich  
schein / seiner selb verleugtung / oder  
gemeines fridens halben / vñd wie  
man inn gefährlichen bewegungen  
vñd vngestümb des Meers / große  
güter pflegt aus den Galeen vñnd  
Schiffen zuwerffen / vñ die Schiff  
vñd der Schiffer leben zu erretten  
mit verlust der zeitlichen wahr-  
vñd güter / also auch in  
dem fahl.

Das

## Das xiiij. capitel.

Wie man aller Creatur gehorsam  
zusein schuldig ist / vnd  
von nöten derselbige  
gehörche.

**G**S sagt der heilige S. Petrus:  
Seit aller menschlichen Crea-  
tur vnterthenig / vmbis Herrn  
willen. Welches sie auch auf geist-  
liche Prälaten vñ Pastoren ziehen /  
welcher Leer man glauben geben /  
vnd irn gebottn gehorsam sein sol /  
doch vmbis Herrn willen / das ist /  
das der Glaub auff Gott / vor als  
len dingen sehe / vñ auff das Euang-  
gelium gericht sey / vñnd also der  
gehorsam auff Got allein anfangs-  
lich sich strecke. Wann nun das  
Volk dem Wirten on alle irung  
glaubet / so mus der Wirtd / das  
ist Pastor / dem Euangelio kress-  
tiglich

tiglich glauben/vnnd dem selbigen  
gen gemes leben/sonst würden sie  
im/wider das Euangelium nicht  
glauben/wie man dann/inn v  
len gemeinen/auch offft vnd vil er  
faren hat.

Das man dem Dirdten vnnd  
Pastor/vmbs Euangelij willn ge  
laubet/vnd seinen gebotten vñ Ex  
empeln/von des Gesatzz wegn ge  
horsam ist/möcht ein gehorsam al  
ler Creatur genandt vnd geheissen  
werden. Das Euangelium ist selb  
die warhait/das Gebot ist Gottes  
Gesatz/das Exempel wirdt fast  
angenommen/nach dem dz Euang  
gelium vil oder wenig/bey dem  
hörer raum oder platz hat. Aber  
die Prelaten vnnd bösen Dirdten  
wollen den Glauber maistern/vnd  
den erfarnen Glauben irem vnwi  
sen vnterthenig machen/so doch  
doch der Glaube nicht auff die  
Menschen/sonder auff das heylig  
wort

wort Gottes sihet vnnnd achtung  
hat/ia auch keinen Engel/noch  
Apostel fürchtet.

Von Exempeln Christi in aus=  
wendigen sachen / ist verwand=  
lung/wie im nachtmal/vnuerletz=  
lich geschehen/vnnnd mag weiter  
sich auch zutragen. Die gebott  
des Gesetzes verwandelen sich in  
Christo dem Herrn/vnd der zeitli=  
chen Ordnung halben fallen sie  
zum theil ab/vnd bleiben aber/so  
weit sie die Natur/inn Gottes ge=  
nadt eingepflantzet. Aber das  
Euangelium / das ware Wort  
Gottes bleibt ewigklich vnwan=  
delbar/vnd was verwandelt oder  
gebessert/ist vnns Euangelij al=  
weg gebessert/welches/das lebn  
geistlicher auffbauung/grundfest  
ist/vnnnd der Welt liecht/zu dem  
gehorsam vnnnd volge erkendt/  
wirdt.

Das liecht/weicht aber mit der  
E u finsters

Finsternus/vñ der das wort Gottes die reine erkantnus des Euangelij ergriffen/weis nit zuweichen/den herlichen Namen/vnnd dem größern hauffen/dem Euangelio glaubet er vmb Christi willen/der die warhait selb ist/in dem kein betrug nie gefunden / den Kirchen aber vnd den Bábsten/von wegen der Kirchen oder Prälaten. Er hengt nit an beweglichem schein/vnd vnstätter menge/der heint ein/morgen ein anders gefellet/nein/nein/mit nichte/sonnder an dem ewigwerenden/ waren / hellen/lautern/pur/reinen wort Gottes/dem heiligen Euangelio/der warhait des **DEUM** selb.

Dahin vns dann weisen/alle warhafftige Apostolische Prediger/nach dem lauttern Mandat vnnd beuelch/vnsers Herrn Jesu Christi/welches ist/da er sagt: Gehet hin/in die gantze weite Welt/vnd

vnd prediget das Euangelium/  
aller Creatur/wer glaubt vnd ge-  
taufft wirdt/der wirdt selig/wer  
aber nicht glaubt/wirdt verdammet/  
vnd leeret sie halten/alles das ich  
euch gebiete/damit er wil verstan-  
den haben/das man auff in/den  
Dernselb/vnd nit auf die Diener/  
oder gemeinen hauffen/zeigen vnd  
weisen sol/wiewol man die Die-  
ner hörn mus/aber nit weiter/dañ  
sie gesandt seindt/welche mit dem  
hayligen Euangelio abgefertigt/  
vnd kein ander passart haben/al-  
lein nichts anders zu predigen/dañ  
denselbigen schatz vnd Kleinat.

Dargegen fürn etlich den spruch  
des D. Augustini ein/vnd werf-  
fen den gleich zu einem schutz für/  
den sie doch wenig verstehen/der  
da ist: Ich glaubte nit dem Euan-  
gelio/wo ich der Kirchen nit zu-  
uoer glaubte/das da war ist/des  
vrsprungs vnd anfangs halben/  
L iij vnd

vnd nicht der vergleichung oder  
fürtreffung halben / dann Augu-  
stinus kompt aus der Schul vnd  
der Retorick / horet von dem E-  
uangelio / etwan das / etwan diß  
vnd das / daß Euangelium sey /  
so Sanct Matheus vnd Mar-  
cus vnd andere Euangelisten /  
vnd Apostel beschreyben / vnd  
gewinnet also ein andacht / lust  
vnd liebe darzu / dasselbige auch  
zuerkundigen.

Darzwischen / Gott der almech-  
tige / im die gaben des Christlichen  
glaubens / aus eingebung des heil-  
igen Geystes / mittgetheilet / der  
wunderbarlich ist / inn seinen wer-  
cken / vnd durch mittel / seine götli-  
chen gnadt vnd barmhertzigkeit  
offenbaret / also volget von nö-  
ten / das ihm die Gemein Got-  
tes / die Neylige Christliche Kir-  
che / welliche dennoch bey den  
glaubigen ein ansehen hat / ein  
vrsach

ursach vnnnd eingang / als ein eusz  
serliches mittel / dem Dailigen  
Euangelio dem reinen wort Got  
tes / zuglauben / geben hat / wie  
wol Gott die krafft / des glaubens  
allein gibt / dann es keines Men  
schen werck ist / dann es kompt  
vonn oben herab / dem Dymel /  
innwellichem Gott allein regiret /  
der ehe / dann die Kirch / gewesen /  
dess Braudt sie auch genandt  
wirdt.

Aber Augustinus / der Daylige  
Doctor / schreibt wider ein fränez  
len Ketzer / vnnnd bringt sollichen  
spruch darumben für / das er ihm  
durch ordentliche Mittel / vnnnd  
auswendige bewerung / vnnnd der  
Kirchen krafft vnnnd gewalt / im  
wort Gottes / vnnnd desselbigen  
dapfferkeit / zubedencken sich selbs  
bewege / dann es ihm zwar bil  
lich argwenig sein solt / das alle  
Welt / vnnnd sonnderlich fromme  
E iij guts



guthertzige/Christliche Biderleer  
anders dann Er/ glaubten/vnnd  
wolt im also ein sonnderlichs ma-  
chen/on einigen grundt der war-  
hait/er hett dann weiter versiche-  
rung von Gott/vnd ein bewerung  
aus seinem Euangelio / darnach  
sich doch ein jedes richten mus/  
vnd andere träwme vnnd zunichte  
heylose gedancken faren lassen.

Vnnd will der Leerer Augustin  
nus darinn zu ruck treibn/oder et-  
wan verneinen / das er vom glau-  
ben/von der gnade vnd wirckung  
des Dayligen Geistes / offft vnnd  
Christlich geschriben. Er sahe dar-  
neben vor augen/das vil gelehrte  
Leuth irreten/vnnd vmbgiengen/  
dann die Arrianer Doch gelehrte  
Männer waren/doch ware seine  
mainung/man solt vonn sollichen  
gelertn/spitzfündigen Leuten/an-  
fenglich den rechttn schein/Euan-  
gelischer warhait erkundigen/vnd  
der

der Kirchen annemen weitter be-  
dencken / vnnnd den rechten ver-  
standt / vnnnd des hertzen versiche-  
rung / mit erwegung des gegen-  
theils fürbringen. Dann er nie-  
mandt auff einen blinden / vnwis-  
senden Glauben weisen wolt / son-  
der auff die wahre erkandtnuss  
Gottes / durch Christum im  
Dailigen Geist / die Chris-  
stenheit begeret zu  
führen.

E v Das

## Das xiiii. capitel.

Wie man diesen Spruch recht  
verstehen soll / nemlich auff dem  
Stuhl Moysi / sitzen die schrifft-  
gelerten / das ihre böse Lehr /  
damit nit anzunemen /  
gebotten ist.

**A**US diesem spruch : auff dem  
Stul Moysi sitzen die schrifft-  
gelerten ꝛc. Können sich die  
Prälaten vnnnd Deubter der Kir-  
chen / das ihnen volmechtiger Ge-  
walt vom **HERREN** geben /  
die zuhörer ires gefallen / auff ihr  
selbs wort vnd thandt zubinden /  
dann der **HERRE** spricht: Alles  
das sie sagen / ꝛc. Nimpt alhie  
gantz vnnnd gar nichts aus / auff  
das der Auditor vnnnd zuhörer  
sich nechst wegere zuglauben / das  
von den oberen vnnnd Prälaten ge-  
redt

redt oder gehandelt wurde. Aber  
widerumb / da sihet maniglich /  
das man alles / von den Phariſeern  
vorgeben / nit zuglauben noch zu-  
halten ſey / die ſich dennoch rümen /  
wie ſie auff dem Stul Moysi ſitzen  
aber mehr darneben ſtehen / dann  
ſie dem Gſatz mit nicht nachkomē.

Dann jr heimlich auffſatz / die  
wort jres öffentlichen vnglaubēs /  
vnd grawſame leſterungen / ſeindt  
offenbar / vnd mit nicht zuhalten /  
dieweil ſie ſagten / das Chriſtus  
im Namen Beelzebub aller Teu-  
ſeln Fürſten / die böſen Geiſter aus-  
triebe / ſolten darumb die Junger  
Chriſti des **HERREN** / auch alſo  
geſagt haben / vnd inen nachge-  
met / dieweil ſie rümeten / das ſie  
auff dem Stuhl Moysi ſeſſen.  
Sie ſageten auch / So Linder  
ſchwüre bey dem Tempel Gottes /  
das es nichts wäre / aber bey dem  
golt deſſelbigen ſchwern / wer ver-  
botten /

botten/vnd grosse sünde. Derhal-  
ben sie der Herr Christus / blinde  
verstockte Leut / das ist / narzenfren-  
ser heist. Vnd so wir nun / was sie  
sagen vnd fürgeben / annemen oder  
glauben sollen / so müssen wir ja  
wider des Herrn Christi warnung  
solche jr blindheit halten.

Vorwar / Vorwar / glaub mir  
gewis / der Herr Christus Gottes  
Sohn / redt nicht wider sich selbst  
Er warnet vns wol für der Phari-  
seer sawertaig / vnd irer heuchelei /  
darinn grosse gleisnerey war / dar-  
umb man wol bedenccken mag /  
das Christus sagt: Thüt was sie  
sagen / vnd hendet doch das Klep-  
perlein dran / hütet euch für dem  
sawertaig irer lehr / vnd widerfecht  
allenthalben ire Leer vnd satzung.  
Der zuhörer volge der Tauben / vñ  
trage zusammen aus irem fürgeben /  
den lautern Kernen / vñnd habe ein  
erfarung der Schlangen list / auff  
das

das er der Pharisæer Lehrwiffz zu  
probiren/vnnd das gut draus an  
zunemen/ein solcher Geist der vn-  
terscheidung/ist dem zuhörer hoch-  
vnd sehr von nöten/damit er ihr le-  
re prüffen kan.

Die Pharisæer/seind Lehrer vnd  
nicht Richter/von welchen Chris-  
tus redet/die hetten kein gerichtsz-  
wang/wellicher der Priester Für-  
sten zustunde: Sie besaßen den  
Stuhl der Lehre/wie dann vnser  
Prediger vnnd Lehrer. Vnnd hat  
vns in dem auch gefehlet/das wir  
denn gewalt/die Kirch Christi zu  
regieren/auff Bischoff/Prälaten  
gezogen/welchen doch/inn seiner  
Kirchen Christus allein/durch sei-  
nen Geist/gnad mitteylet/vnd ge-  
walt durchs wort vbet/darumb  
ein grosser Irthumb daraus entste-  
het/das man der Prälaten gebot/  
ohn wahl vnd sonderlichs beden-  
cken Gottes worts/annimbt/vnd  
nicht

mit vrtheilet / wie die bösen Leeren  
verdambt sollen werden / I. Thess.  
5. Aus der vrsach / sagt Paulus:  
Wir seind Gottes Knecht / sonnst  
wären wir des Babsts Knecht /  
so er vns nach seinem gefallen ver-  
binden wolt.

## Das xv. Capitel.

Das den Narren vnd Blin-  
den führern / den Pharisee-  
ren / was Menschen thandt vnd  
laruen belangt / nit nach  
zuuolgen sey.

**W**arumben solten wir aus  
dem gebot Christi / denen  
volge thun / vnd irem wort  
nachkommen / oder dasselbig an-  
nehmen / die Christus der **W. L. M.**  
Mathei am 23. so offft ausschreyet  
Gleisner / Narren vnd Blinden  
nennet / der Leere vnd Gebott  
et

er öffentlich verwürfft (die blinden  
können nichts sehen / wie wol-  
ten denn sie anderen den weg zey-  
gen / es ist vmb sonnst / lieber  
Gott ey / ) die nicht nach Gottes  
des Almechtigen Ehr gericht ist/  
sonnder nach dem seckel / wie im  
Lidt bey dem Tempel / vnnnd golt  
im Tempel / das sie lieber inn der  
Taschen hetten / in der Ehrgeitzig-  
keit / im langen Gebett / vnnnd der-  
gleichen eytelen Ceremonien / die  
alle vom **HERN** gestrafft vnd  
gantzlich verdambt worden / sein  
sie nun Narren vnd blindt / so seind  
die / so den Narren vnnnd Blinden  
mit sehenden augen / volgen / nicht  
besser / vnnnd sonnderlich vber so-  
helle / des **HERN** Christi /  
warnung.

Das gemein Volck / hat meh-  
verstandts / dann die blindenfüer  
die Pharuseer / dann / nach dem sie  
den Heren / vonn wegn der war-  
heit /



heit stainigen wolten / war das  
Volck das im anhieng / von wegn  
der Lehre / darzwischen / vnd entsetz-  
zten in / wiewol die einfeltigen / am  
Karfreitag / irer sünd vnnnd blindt-  
heit theilhaftig wurden / da sie mit  
schrien: Creutzige / Creutzige in / vñ  
gelallet / sein Blut das komb vber  
vns / vnd vber vnser Kinder / welli-  
ches sein geschehen / vnd habn rath  
vber iren hals geschrien / das man  
noch heut bey tag / inn aller Welt /  
an dem verfluchten Volck sieht / dñ  
in alle Länder ausgestrewt / wie die  
verstocktn bluthunde.

Der **DEUX** Christus / der Son  
Gottes vergleicht sich einer Gluck  
Dennen / begert von hertzen ganz  
trewlich / Jerusalem zu versamlen /  
aber die widerwertigen spern sich /  
vnnnd wollen vnter der Mutter flü-  
gel / nicht versamlet sein. Die verfüh-  
rer / blinden vnnnd narreten Hirten  
vñ Pastorn verhindern zu dem / dñ  
andere

andere auch diesem beruff nit nach-  
kommen/dennoch wollen sie vns  
dahin tringen/mit dem wort Chri-  
sti des Heren/das wir inen den  
wider Christen anhangen sollen/  
wan wir nicht thörichte Dünlein  
wern/so flöhen wir vnter der Mu-  
ter flügel/ob gleich sie/die schend-  
lichen fauln taglöner vnd Bauch-  
diener/ja freßwenst/wider den  
waren rechten Dirzten vil  
fürnemen/vnd lügen  
dichten.

§

Das

## Das xvj. Capitel.

Ein heller bericht Christi / welche  
che Prediger vnd Prälaten/  
nit anzunemen noch zu  
hören sein.

**S** Christus der Herr / hat vns in  
der heiligen Schrifft / an vilen  
orten gewarnet / vnd gewisse  
anzeigung geben / dieselbigen mit  
vmbstenden beschribn / am 23 cap.  
Mathei: Dabey die falschen Pre-  
diger vnd Dirdten / die betrüglich  
lehren / zu erkennen findt / auff das  
wir vns vor inen vnd iren gebotten  
lehren / vnd fürgeben hüten.

Zum ersten.

Sie thun ir werck / auff das sie  
vor den Menschen hoch gehalten  
werden / vnd ein schein führen / das  
zu von art gleissen.

Zum andern.

Sie

Sie seind Ehrgeitzig/wöllen zu  
Tisch oben an sitzen/vnd inn schus  
len den fürnembsten Standt vnn  
ansehen haben.

Zum dritten.

Sie seind rumsüchtig vnd rätig  
wöllen Meister oder **HERREN**  
von Menschen genandt sein.

Zum vierdten.

Sie seindt geltgierig/verschlu  
cken der Waisen vnn Witfrawen  
Deuser.

Zum fünfften.

Sie seindt Deuchler vnd gleis  
ner/durch fürgeben eines langen  
Gebettes.

Zum sechsten.

Sie seindt verstürtzt vnn ver  
giff / dieweil ihn die gewalt des  
Reichs Christi beuolhen / dienen  
sie aber nichts/zur forcht Gottes  
vnd besserung/sonder verbündern  
andere auch daran/wöllen auch  
nicht zugeben / das sich andere  
besseren vnn zunehmen / das

S ij heist

heißt der **WEXX** / das Reich  
Gottes beschließen.

Zum sibenden.

Sie seindt falsche Leerer / vnnnd  
vnterrichten das Volck wider die  
warheit / als vom Lidt oben ge-  
meldet / vnnnd vnnnd der rechtfertig-  
ung inen offft fürgeworffen ist.

Zum achten.

Sie seindt eines verkehrten sins /  
an den grössern dingen / als ist / die  
erkandtnis Gottes vnd barmher-  
tzigkeit / daran ihnen nicht vil oder  
hoch angelegn ist / an die geringen  
ding keren sie fleis / wie sie von kün-  
nich / müntz vnnnd andern Gärten  
kräntlin iren zehenden geben / be-  
fleissen sie sich engstiglich / verschlu-  
cken das Kamel / vnnnd leyhen aus  
das Schnecklein.

Zum neunnden.

Sie fordern hefftig die Mensch-  
en gebot / vnd die götlichen willen  
hindern / verschmehen Gotes wort  
vnd treten es mit füßen.

Welchem

Welchem theil sollen nun die  
vnterthanen nachuolgen / denen  
das Himelreich zuwider / vnnnd nit  
hinein gehen / vnd niemandt auch  
wöllen hinein lassen / oder dem / der  
vns sein gnadt vmb sonst anbeut /  
vnd begert vns vnter seine flügel zu  
sameln. Ich meine ja / nach mei-  
nem einfeltigen verstandt nach /  
doch bessers rat vnuerziehen / man  
sol der Gluckhennen vnnnd der ge-  
trewen werden Mutter mer gehor-  
sam sein / dann den falschen / verlo-  
gnen / vppichen / rumsüchtigen /  
zeitlichs guts gieriger / verruckter  
sinnen / Narren vnnnd Blinden / ja  
blindenleitern / doch sollen die vn-  
terthanen solche gedulden inn iren  
diensten vnd dienstbarkeit / so lang  
sie dulden vn nachgeben / das man  
halte vnnnd thü / das sie selbst / als  
nützlich vnd recht gelehret haben.

Vnd wann sie vnrecht / wider ir  
gewissen / lehren / sol inen niemandt  
• S in gehor-

gehorsam sein / dann der da wil mit  
den Blinden blindt / vnnnd von dem  
himmelreich Gottes angeschlossen  
sein / der **DEXX** heist sie nit vmb  
sonst Schlangen vnd Atergezicht  
vnnnd wir sollen bey sollichem tödt  
lichem giffit / das leben suchen / vnd  
inen dem vnziefer anhangen / vnart  
tige redt / verwüstet gute sitten / wie  
Paulus sagt / vnnnd niemandt solt  
macht habn. die vnartige verruch  
te blindheit vnd doppelzündt / giffi  
tige Leer der falschen Präläten vnd  
Prediger / zumeiden. Welcher rede  
vmb sich frist / wie der Krebs /  
**Chimo: 2.** Ja nicht allein die rede  
sonder vil mehr ihr böß Exempel /  
dann der gemein Mann volget / schnell  
dem bößen vorbildt.

Welcher Babst / Bischoff oder  
Bader / den geringsten aus der ge  
main Gottes ärgernus gibt / das  
ist / vom Glauben oder Christliche  
wandel oder leben abwendig ma  
chet /

chet/oder zu einiger hinleßigkeit  
vrsach gibt/vnd durch sein falsche  
Leer/verstendtnus/oder böß Ex-  
empel verhindert/dem were besser/  
das ein Mühlstein sñn seinem hals  
hienge/vnd ins tieffe Meer geworff-  
fen/vnd ertrenckt würde/so ein gar  
grosse vnaussprechliche sünd ist es  
der Gemein Gottes ärgerlich sein/  
vnd die gewissen der Menschen ver-  
füm/vnnd iren Seeln schaden/das  
von Christus der Sohn Gottes/  
heßtig hin vnd wider in der schrift  
meldung thut/vnnd den fals-  
schen Dyrten die verderb-  
nus trowet/rc.

§   iii   Das



## Das xvij. Capitel.

Wie das böse Bischoff vñ Prälaten / der Endechrist sein / vñnd das ein jeder Christ / ihre grausame laster der Abgötterey / schuldig ist offenbar zumachen.

**E**n jeder Prediger vñnd Prälat / ist ein lebendiger Wurm des Endechristis / so den schwachgläubigen einen anstos gibt / vñnd von der reinen Warhait des Euangelij / vñnd dem leben Christi sie verhindert. Dann er strebet ihm dem fahl wider Christum den gesalbten selb / vñnd verderbt / welche Christus durch sein Rosenfarbes blut / das er am stamb des hayligen Creutz vergossen / zurecht gebracht hat. Christus der Sohn Gottes begeret durch gehorsam / so

so wir sein wort volgen/zuhelffen/  
aber vil Prediger vnn̄d Prelaten/  
achten gar wenig/ja wol nichts/  
das sie durch ihren vngheorsam/  
vbertrettung/ lesterlich/ ärgerlich  
Exempel/den Armen schwach-  
glaubigen vnd halb blinden/einen  
streck vnn̄d strachstein legen/das  
mit sie den hals abfalln/durch al-  
le puncten/so Mathei am 23 ge-  
meldet sindt.

Wo dem also/wie die hailige  
warhait bezeugt vnd darthut/vnd  
nit anderst sein kan/so ist der fromb  
verstendig Mann/die Kleinen ver-  
ärgermus schuldig zumerwarn/te-  
auff das sie nicht anlauffen/das  
beschicht/wann wir die vngestal-  
te händl vnd bösen laster der Prela-  
ten/eigentlich an Tag thun/dann  
wie möcht sich sonst der vnuerstend-  
dig hüten/vnd thun wir das/vnd  
thommen vnserm Ampt trewlich  
nach/vnd berichten eygentlich die  
S v Gemein

Gemain Gottes/die Christglaubige  
gen/so bewegen wir die Gleisner/  
hochtragenden/vnkenschen/rum-  
süchtigen wider vns/vnnd den ar-  
men hauffen/vnd müssen die sein/  
so ärgernus geben/wiewol dem  
Exempel Christi nach/wir allein  
ärgernus straffen/vnd begern das  
böses abzuschaffen/nach dem bey-  
spil des Sohns Gottes/der auch  
die schändliche ärgernus auff de-  
cket/vnd wider sie/das ewig wehe  
ansschreyet Mathei am 23. cap.

Wer nun dem jetzt gemelten ex-  
empel Christi/dem warsager/will  
volgen/oder demselbigen begeret  
nachzusetzen/der gedencke eben  
darneben das/das er nicht weit/  
vonn widerwertigkelt vnnd ver-  
uolgnus sein wirdt/gleich wie der  
DAN zurselbigen zeit nit weit  
vom Creutz vnd leiden war/vnd  
darumb endtlich sterben muste/  
vnnd sein lohn war/wilt du nun  
dergleis

dergleichen leiden/magst du ärger  
nus/vnnd falschen Gottes dienst/  
wol antasten/dises redt der Herz  
Jesus zu den Schrifftgelerten vnd  
Phariseern/aber nit allein vmb iret  
willen/Nemlich dasz das Reich  
Gottes/baldt von inen solt geno-  
men werden/sonder die Leer Chris-  
sti sicht weiter/auff die nachkom-  
mende zeit/vnd ist auch vnser hal-  
ber beschriben/die wir gleiche ge-  
fahr/von vnsern Predigern vñ Prä-  
laten/zugewarten haben/wie dasz  
laider am Tag ist.

Deszhalbē er selb zweierley Knecht  
anzeigt/so des Herzen gesindt ver-  
walten/etliche wenige seind trew/  
die theilen aus die speis vnder das  
Wanngesindt/die vbrigen aber als  
böse Knecht/dieweil der **WELT**  
sich sanmet/fallen sie inn ein Nar-  
rische sicherüg/prassen vñ schlem-  
men/werden toll vnnd voll/fahr-  
ren hoch hereiner/vnnd legen ge-  
walt

walt an ire mitdiener. Wer in nun  
volget / vnd mit inen in die gruben  
fellt / den entschuldiget nicht sein  
vnwissenheit vnd thorheit / dan er  
durch sein eigen blindtheit / solche  
schandt vnd ärgernus für recht vn  
ehrlich helt / vil ärgern sich ob der  
rechten / seligmachenden vnd ges  
sunden Leer / vnd gutem vorbildt /  
die seindt nicht einfältig / sonnder  
arglistig vn verkeert / als die schrifte  
gelerten vnd Phariseer / sie verach  
ten der ewigen weishait rat / vnd  
tödtten die Dailigen Propheten /  
inn welcher verderben frewet sich  
die weishait vnd lachet widerum  
it selb.

Darumb seindt zweierley ärgern  
nus vnd anstös / eine der Kleinen /  
so den einfeltigen am Glauben vn  
der Lieb verhinderung geschicht.  
Die ander der Phariseer / von wel  
chen der DXXX Jesus vnser heil  
landt sagt: Es ist besser das sie ge  
ärgert

ärgert werden/dann das die war-  
hait Gottes worts verschwigen  
blibe/die einfalt ärgert der bösen  
gegnwurff vnnnd Exempl. Den  
Phariseer/die fürtringendt tugent  
vnnnd wolthat. Zum Regiment  
werden etwan angenommen/welli-  
che von der Weisheit Gottes nicht  
darzu seindt versehen/vnnnd die weil  
kein götlicher gewalt ist/wider die  
weishait vnd warhait des Herrn/  
sol man solcher blinden weglaitüg  
nichts zu noch nachgeben/auch  
gar nicht volgen/dann den fal-  
erleichtert/nit des fürsteers  
ansehen vnnnd au-  
thoritet.

Das

## Das xviii. Capitel.

Wie die Vnterthanen ettwan  
der Oberkeit schuldig zu wis  
derstehn / vnd sie zu ver  
treiben seindt.

**E**s ist wol vonnöthen zu wis  
sen / vnd war zunemen / was  
ein vnterthan / seiner geistlichen  
en vñ Weltlichen Oberkeit zuthun  
schuldig sey / diese schuld / ist nicht  
vonn Natur / vnd kein gewisse  
schuldt / sonnder entstehet / allein  
aus einer verbündnus / gegen  
dem Oberherren / der Oberherren  
hat vber den vnterthan kein herren  
schafft / wiewol er inen sein DRE  
NENNEN / vnd vnbilliche be  
schwerung / aus guter vrsachen  
tregt / vnd darüber geduldet /  
vnd wann die Oberherren nach ih  
halt vnd vermög der verbündnus  
die vereinigung / capitl vñ satzung  
zwischen

zwischen ihn/vnnd den vnterthanen auffgericht/gar nicht halten/so ist der vnterthan auch nicht gar in schuldig gehorsam zusein/aber dennoch so weit verpflichtet/als fern sie / der Oberkeit eygens schaffe vnnd Regel an im haben/werffen sie solliches eygenthumb gar von in/vnnd halten gar nicht der Prediger vnnd Prälaten/nach laut Gottes worts /satzung/so ist der vnterthan gar von irem gehorsam entlediget.

Daß diese vnterwerfung sol freywillig/vnnd eygens gefallens sein/vnd nit on bedacht/angenommen werden/dann der bedacht bedencket die vrsach vnnd die frucht/vnnd wann vrsach vnnd folgen der nutz/vor annemung zur Oberkeit / den vnterthan bewegen möchten/dz sie sich einem solchen nicht vnterthenig machen/so soll nach annemung vnd auffrichtung  
des



des pacts / solche verbindung gleicher  
ursach / auch aus sein. Dann  
so ein teil / sein gebürenden puncten  
des vertrags / vnd die vnderredung  
nicht helt / so ist schon der handel  
gar gefallen / fürnemlich souil den  
vbertretter belangt / das man aus  
den alten Keyserlichen rechten / vnd  
vilen Landtbreuchen etlichen her-  
lichen Nationen beweisen kan.

Es erwelen die Vnterthanen /  
ihnen einen Oberherren / allein zu  
nutz / handthabung vñ vorderun-  
gen vnd fürnemlich zu einem vor-  
standt / vñ den sie zu solchem stand  
willig vñnd geschickt achten. So  
aber der / welcher darzu erkorn / sich  
anders beweiset / so ist je der grundt  
nicht zugewen / vnd ist die hoffnung  
falsch / darauff die vnterthanen ge-  
sehen / so volget nun daraus / das  
die vermeinte Gerechtigkeit / des  
Oberherren entzwey vnd zerbrochen  
ist / vnd nichts gilt / noch gelten sol.  
Die

Die Bettelmünch seind inn dem  
gantz vorsichtig / die alle Jar / ihre  
wahl erfrischen / so sie gleich keinen  
andern wehlen. Das vom Ehli-  
chen bandt / zwischen Mann vnn  
Weib / auch dem Bischoff vnn  
seiner Kirchen fürgeben wirdt / ist  
einer schuldigen trew geheimnus /  
vnn mit ein ewiger bundt / wie für-  
geben. Dann wo bliebe der scheid-  
brieff / vnn die freyheit des glaubi-  
gen Ehegemals / von Paulo I. Co-  
rintho: 7. angezeigt.

Auch so ist der Bischoff / mit der  
Kirchen vnn Gemein Gemahel /  
sonnder er ist ein vnterhandler / mit  
seinem dienst im wort Gottes / zwis-  
schen dem einigen Brevtigam  
Christo / vñ seiner geliebten Braut  
der Kirchen / das ist der glaubigen  
Gemein Gottes / wo er anders sei-  
nem beuelch / mit Krafft Gottes /  
nachkompt: Wo aber nicht / so sol  
er vom Standt vertriben werden /

S            den

den er nicht recht versihet / vnd om  
nutz der Kirchen innen hat vnd  
besitzet. Doch geduldet man sol  
che / ettwan ärgers zumeiden / wie  
in grossen Stetten / gemeine Fran  
enheuser geduldet / das doch ni  
gut geheissen mag vnd kan wer  
den / vnd keinen grundt inn der  
Deyligen Schrifft hat / dardurch  
solches kündt hell hinaus gefür  
werden / Welt aber ist Welt / vnd  
ist vnd bleibt des Teufels / da kün  
kein pantzer für / ꝛc.

Gleiche regl solt mit grossen Kö  
nigen vñ grossen Fürsten gehalten  
werden. Inn allen Stetten / vnd  
wolangeschickten Gemeinden ist  
die höchste Oberkeit nit langwiltig  
oder hat benante zeit / darin sie ir  
Gewalt nit vben / sonder die gemein  
ir thun vñ lassen richten / vnd fürge  
nommen fräuel / der zeit endern mag  
Was bedeut sonst die freye wahl  
dann des erwehlenden freyheit / die

die dem frommen vñnd besseren  
will gehorsamen. Der erweh-  
let aber fählet am guten/vñnd ste-  
het nicht recht vor/so hat schon  
die pflicht zur gehorsam ein endt  
vñnd garaus. Aus diuem grund  
schöpffen vrsach/vil vnsträflicher  
Männer/das sie/so vil möglich/  
sich freyen lassen/von ihrer Ober-  
keit gehorsam/vñnd das auff vil  
weg/aus nachgebung gemeines  
Rechtens/rc.

Dañ gemeiniglich sein die geiste-  
lichen Prälaten vñ Prediger nichts  
werd. Eben aus diuem grund fleußt  
das man Kaiser/König/Fürsten  
vñ Herrn/so guts vñ recht thū ver-  
bieth/vñnd dagegen arges eruo-  
dern/gar nit gehorsam sein sol/ja  
vil mehr ist man schuldig/sie ihrer  
regierung zuuertreiben/wo nicht  
sorg verhanden/das abwendung/  
solches schadens/grosser verderb-  
nus einführen möchte. Dan kost vñ  
G ij arbeit

arbeit ist verlor/wann aus gemei-  
ner bewilligung der vorige streich  
mit einer tieffen wunden geheylet  
wurde. Summa Summarum/  
nichts gutes ist zuhoffen/wo ge-  
meiner verstandt hingenommen/  
wie dann jetzund inn aller Welt/  
kein verstandt noch recht bedene-  
cken vorhanden ist/noch sein wil.

Merck alhie darneben/das er  
auff den Kaiser rede/des ampt ist/  
die auswendig Christlich freyheyt  
vnnnd erbarckeyt zuuertaydigen/  
Item die jetzundt/schon nicht er-  
welet werden/sonder geborn Für-  
sten seindt/so seindt doch ire voräl-  
tern willig erkoren/vnnnd anfangs  
erwelet worden. Wiewol mit dem  
schwerdt sich Nymroth/vnd an-  
dere vil herschafften sich eingetrü-  
gen/die auffss wenigst nachgeende  
bewilligung/der Vnterthanen/zu  
nutzlicher regierung bestatiget hat.  
Sonst weren sie nichts/dann al-  
lein

lein Tyrannen vnnnd verherger ge-  
meines nutzses / auff wellichen tit-  
tel ire nachkommen gründen / dar-  
umb sie sich / als erwölte Däubter  
der Gemein / vnnnd nicht für eygen  
DIEBET halten sollen / sonst  
seind sie nicht diener Gottes / vnnnd  
ist der Fürsten gerechtigkeit / den  
Armen nutzlich vorstehen /  
vnd die gehuldeten hand-  
haben / schützen vnd  
schirmen.

G    lii    Das

## Das xix. Capitel.

Das eines Weisen Gotsföchtigen Bann vnd vermanung/ mehr zuffüchten ist/dan des Babsts zu Rom selb.

**W**ann ein frommer Christlicher Byderman/mit dem Babst/in einem miszuersstandt ist/so soll man dem frommen verstandigen/Christlichen Mann/mehr glauben vnnnd zufallen/dann dem bösen vnwissenden/verfluchten Babst. Dann vom Bann des Weisen vnnnd Gotsföchtigen/hat der Babst niemandt zu Absoluiren/ vnd bindet des Babsts Bann niemandt/dann den Gott bindet/das vrtail des Weisen verbanet: Nemlich/wer nit lieb hat vnsern Herrn Jesum den Sohn Gottes/der sey verflucht. Von solchem gesprochen vrtail/mag der Babst niemant ledig

ledig zelen: Der zelet aber ledig / so  
die lieb / gegen dem **HERRN**  
Jesu im hertzen / durch den glaus  
ben anzündet / vnnnd das gewissen  
wider mit dem Euangelio tröstet  
vnnnd auffrichtet / dardurch der  
Mensch gleich vernewert wirdt.

Dañ ein jeder bleibt sonst vñ Got  
abgeschnitten / vñ verbanet / so vil  
er inn Christo Got mit liebet / ob er  
schon Got fürchtet durch Christū /  
vnnnd etwas anfenglicher gnaden  
hat / dañ zur hochzeitlichen freud /  
wirdt allein der liebhabendt zuge-  
lassen / auff vnd inn gutem glauben  
vnd vertrauen. Dise ding gehen in  
ordnung / Gott fürchten / begeren /  
annemen / lieben. Also das der al-  
lein fürchtet / ist vom Standt vnnnd  
wirnden der begierigen / vnnnd dise  
seind von der Herzligkeit der anne-  
menden / vnd die in angenommen /  
vonn der wunne vnnnd freudt der  
Liebhabenten / noch zur Zeyt auch  
G itij aus



ausgeschlossen vnd verbannet/ bis  
sie Gott durch seinen Geist entlediget/  
vnd weiter begnadet/ das vns  
Gott verleyhen vñ geben wölle/

## Das xx. Capitel.

Wie der Weise/ vnd aus der  
Heyligen Schrifft verstendige/  
dem Pabst in seinem verstand  
mit nicht weichen soll  
noch darff.

**D**ann der Weis Gots ver-  
stendig vnd Christglaubige/  
sich mit dem Pabst im  
verstand vnd vrtheil teylet/ so sol  
der Weise vnd schrifftgelert Mann  
gar nicht weichen/ noch vom rech-  
ten verstand vnns Pabsts willen  
abtretten. Aber der recht verstant  
ist/ den er nach Götlichem willen/  
aus

aus dem reinen wort Gottes/vom  
Heiligen Geist/durch Christum  
Jesum empfangen hat/vnd weist  
den durch die Heilige Schrift of-  
fenbar zumachen. Zu diesem recht-  
verstendigen sol der Babst stehen/  
vnd dem mehrern vnnnd bessern vor  
Gott volgen. Desgleichen ist  
schuldig zuthun die glaubige Be-  
mein/wo sie eins solchen Mannes  
rede/dem verstand Gottes gemies/  
befindet.

Dañ der/welcher der Weisheit  
wort/ins Weisen vnnnd Christen-  
mannes mundt erkennet/warumb  
wolt er im/dem Weisen widerste-  
hen/solliches hat sich im Concilio  
zu Costentz zugetragen/da die ge-  
laubigen vom Babst Johāne dem  
23. seindt abgefallen/vnd Johāni  
Gersoni beygestanden sein. Vnnnd  
wer wolt diser zeit/so Babst Lu-  
genius/vnnnd der Deylige Sanct  
Bernhardus sich gegen einander

G v in

In zant des glaubens vnd der be-  
ferung begeben / wer wolt nun nit  
lieber Sanct Bernharde / dann et-  
nem solchen Babst anhengig sein /  
welches der Babst Eugenius her-  
nach selber bezeuget / vnd nimbt  
an dise ermanung vnd bedencen  
gantz freuntlich mit grosser danck-  
sagung / wie er zuthun dann schuld-  
dig war.

Was aber für Krafft / Babseliche  
Gebot vnd satzung / in sich haben /  
gebürt einem trewen Lehrer vnd  
Doctor der heiligen Schrifft aus-  
zusprechen / der Götlicher warheit  
gemes rationirt vnd schlenst /  
der im Babsthumb gar wenig  
seindt / vnd den Mantel hencken  
darnach der Windt gehet / suppen  
vnd partecken fresser seindt / dar-  
umb erhelt die einigkeyt der Chri-  
stlichen Kirchen / der frommen  
Gottsuerstendigen / Christlichen  
Leut gleichmessigkeyt / vnd besten-  
diger

diger aus der heiligen Schrift wil/  
vnd hertzliche innbrünstige Lieb  
vnd begir/vnnd nicht der Obristen  
Bischouen/Präläten/Prediger/  
wie mans jetzundt nennet Super=  
intendenten/regierung vn̄ schend=  
liche hoffart/dieweil die warglan=  
bigen vnd weisen Christen/auff ein  
hertz vnd gemüt/vonn Gott/inn  
Christo kressfig gerichtet werden/  
welche nit alle zur Präläten Regi=  
ment lust haben/seintemal sie die  
Leut/durch ihren eigen nutz vnd  
blindtheit/inn irzung führen/die  
gewissen verwickeln/vnd die  
Armen in der letzten ge=  
fahr verlassen/ꝛc.

**Das**

## Das xxj. capitel.

Wie oft ein Bapst vnd Prälatus  
auch nach Ordnung der recht  
ein öffentlicher / falscher Apos  
stel vnd eigennütziger wolff/  
für Gott dem Her  
ren sey.

**N**ach gebreuchlicher Ord  
nung Bapstlicher recht / ist  
ein rechter Prälatus geheissen  
der mit rechtmessigem Tittel vnd  
schein / Sanct Peters Stuhl / aber  
nicht sein ampt vnd Standt / inne  
hat. Der rechte Tittel aber wirdt  
geacht / die wahl so nach inhalt vñ  
vermög geschribner recht vñ Stat  
tute geschehen / oder wann sonst  
einer zum ampt vnd pfründt kom  
met / durch verleyhung des Ober  
herren. Demnach volget / das  
oftt ein Bapst / vom grössern hanf  
fen

ten der Cardinal erwölet / ein falscher  
Apostel / ein Prälat / ein falscher  
Nirzt / ein fürgesetzter / ein  
falscher Bischoff ist. Also mus  
das arme Volck offte gedulden /  
falsche Apostel / falsche Prediger /  
falsche Nirzten / sonst wurde ein  
shedliche trennung angericht /  
bisz das Gott der Almech-  
tige / selb ein einsehen  
haben wirdt.

**Das**

## Das xxij. Capitel.

Das der Babst nit auffbauen  
sonder zerstöre vnd reisse nider  
den Baw Christi des  
Herren / Gottes  
Sohns.

**D**er weil der Babst / vnd ein  
jeder Prälat / ein getrewer vnd  
verstendiger Knecht sein solt  
ist von nöten / das er mit fleis / ver-  
standt vnd auch satter erbarkeit  
der Kirchen vorstehe / vñ die hant  
stück der Christelichen Warheit les-  
se. Sonst thut er seinem ampt vnd  
Beuelch nicht genugsam / handelt  
auch offft darwider. Wie ein Ar-  
tzt der ohn erfahrung / vnd mit  
vnfleis des Krancken pfleget /  
die Natur vnd gesundtheit weit-  
ter beschwerdt / vnd dieselbige  
gar nicht fördert. Der Babst  
sol bauen / vnd bauet aber nicht  
lieber

lieber was / oder warzu ist er nutz?  
Ersol des **HERREN** Haushaltüg  
verwalten / vnnnd verschafft nicht  
einem jeden sein angebür / darumb  
vergendet vnnnd verschwendet er /  
des **HERREN** güter / von wel-  
cher wegen er einsmals schwere  
rechenschaft wirdt geben müssen /  
vnd rettung thun / da lachen zuuers  
beissen sein wirdt.

Warlich es verdirbt die Werdt  
Gottes / vnder einem trunckenem  
vnnnd glaubbrüchtigen Taglöner.  
Wellicher verstendiger / möchte ei-  
nem vollen tollern trunckenboltzen  
glauben geben? der schon einem als  
ler versicherung vnd gutes vertrö-  
stet. Darumb hat der Herr Jesus /  
dem Neyligen Sanct Peter / vnd  
seinen mitbrüder den Aposteln /  
nicht wie vnser Prälaten / des  
Himels schlüssel beuolhen nemlich  
inn der warheit / vnnnd nicht nach  
dem Augenschein. Petrus ist  
ein



ein kluger vnd getrewer Haushalter / des Herren Volck für gestellt / dem gibt er bey zeit / den gemessene Weitzen / das ist die edle narung des waren lebens / die legt er ihnen für / durch seinen fleis / ernst / sorg / tringend anligen / embsig Gebete / gute Leer / besserlich Exempel / vnd wackere vorsehung / vnd ist der gemein Christenheit sehr dienstlich / gleich wie dem gantzen leben vnd Leibe / des Haupts gesundtheit dienet / also auch die Häubter der Kirchen.

Dan der eusserliche Diener des Geistes / ist des waren Hauptes Christi Jesu wirckligkeit theilhaftig / vnd ist der gnaden mitwürcker / dagegen aber sind vnser Prälaten vnd Prediger nachlessig / on sorg / in allem vberflusz / hoffertig / vbermütig / vnkeusch / geitzig ihres gewalts vnd prachts beschirmet / aber der einfalt verspötter / vnwar-  
nemig

nemig göttlicher gebott/vnnd ge-  
brauchen die strenge ihres Rechten  
vnd Bans/allein zuverteidigen ih-  
res gewalts vnd herrschafften vnd  
vnütz Regiment. Solches versteh  
ich mit nicht vor schlüssel des Hi-  
melreichs/sonnder der Phariseer  
vnd Deuchler dietterich/damit sie  
den Himel vnd Reich Gottes zu-  
schliessen vnnd versperren / selber  
auch nicht hinein kommen noch  
können/vnd andere Lent auch nit  
hinzulassen/so durch ihr böse Leer  
vnd Exempel/die schendlich vnnd  
schandlos sein/verderbt vnnd ver-  
hindert werden/sie reissen sich fast  
vmb des gewalts schlüssel/vnnd  
haben ihn schon erlangt/vnd inn  
feusten/zc.

Dann welches Königreich/ent-  
setzt sich nit für des Babsts macht  
dan der disen schlüssel gebraucht/  
begert aller Welt schätz vnter sich  
zubringen/vnd die gewissen zuver-  
D wirn/

wirren/ja ein Königreich wider  
das ander zubewegen vnnnd zuzer-  
hetzen/aber der schlüssel der Gottes-  
seligkeyt / das lebendige Wort  
Gottes/das ist warlich ein schlüssel  
sel/wellicher Dimmelischen Ge-  
walt/ihm anhangen hat/der er  
öffnet den zerbrochenen hertzen/  
die schätz der Vätterlichen güte/  
so vnder dem Creutz Christi ver-  
borgen liegen / mit des Babst-  
schlüssel/hetten Petrus vñ Paulus  
den Waiden die porten der Dime-  
nicht baldt/oder doch langsam  
mögen auffthun/ das ist mit sol-  
chen Bábstlichen anschlegn/prac-  
ticken/vffsätzen/schendtlichem le-  
ben/hetten sie die vnchristglaub-  
gen nicht mögen zu dem gehorsam  
Christi führen/vnnnd vom dienst-  
lichen joch/diser zerstörllichen zeit  
erlösen.

Das erscheinet alles/aus der  
Bábst vnd hohen Prälaten dien-  
er

se nehener sie ihn zugethan gewes  
sen / je bas sie ihre sitten vnnnd Er  
barkeyt abmahlen. Inn allen  
Tümmen vnnnd Stiffren / da faiste  
Pfründten seindt / findest du ett  
liche / die zwen eysene Schlüssel  
gemahlet / oder in stein vnnnd holtz  
gehawen / an ihren Weusern ha  
ben / solche seindt aus des Babsts  
vnnnd der Cardinal Gesinde / die  
fürnembsten / vnnnd bawen inn der  
Kirchen Gottes / wie sie es zu  
Rom / von iren **DEXXI** / geler  
net haben / &c. Zu Jerusalem / An  
tiochia / vnd auch zu Rom / haben  
Petrus vnnnd Paulus anders ge  
lehrt / vnd gefahren / sonst hetten sie  
mit des Babsts Cardinal vnnnd  
Pfaffenbracht des Himels thür  
niemandt mögen auffschliessen.

Der gwalt des Kaisers Neronis /  
vñ des Römischen Kats / welchem  
der zeit die gantze Welt gehorsam  
war / hat müssen mit grösserem  
**D ij** gewalt

gewalt gestürzt/vnd dem kleinen  
Weislein das Himelreich anders  
geöffnet werden. Ich sprich nem-  
lich das Himelreich/dann aus  
verhengnus Gottes/het vülleicht  
der Babst/die porten seines reichs  
durch sein gebrauchliche mittel/  
auch mögen/offenen/vnnd an tag  
bringen. Das Euangelium hat  
vil ein andern eingang/dann der  
Lindtenchrist/des Teuffels Dum-  
kindt/die lieb Gottes des almäch-  
tigen/hat der Apostel hertz/müht  
vnd sinn/durch den heyligen Gei-  
st vbergossen/durch welche sie bestä-  
tiget/vnnd fast handuest worden/  
das sie nach irem beuelch/die gna-  
de Gottes durch Christum gepre-  
diget haben/alles/den glaubigen  
zu gut/mit bereitem willen gedul-  
tiglich zuleiden.

Der heilige Geist/vom Vatter  
vnnd Sohn/die hertzen der Mens-  
chen zutrösten/ausgesandt/hat  
ih

ir wort gefürdert / vnnnd inen kreff-  
tigklich bey gestanden / hat endlich  
also gewürcket / vnd sein krafft inen  
verlihen / das sie den Chriſtglaubiz  
gen die porten vnd Chör des hails  
vnd himelreichs aufgethan. Doch  
hat der heilig Petrus den zuhörern  
den glauben nicht ins hertz geben /  
aber die selige botschafft / hat er den  
ohren von aussen fürgetragen / dar-  
inn im kein gerechtigkeit / weisheit  
vnd gnad zugeschriben / dann was  
sein ampt belanget / sonst wer Pe-  
trus vor Gott gehalten worden /  
wie jetzt der Babst an vilen örten /  
bey den einfeltigen geacht wirdt /  
vnd schier vor Got selb angebettet /  
darnumb er der rechte / ware / leben-  
dige gegenchrist ist / vnnnd nicht ein  
Successor oder Vicari Petri des  
heiligen Mans Gottes / vnd ersten  
Babsten / der ein edler Babst ge-  
wesen / vnd Teutsch geredt hat  
das ist / die Wahrheit auff  
seine Sprach / &c.

D iij

DAS

## Das xxiij capitel.

Das von Gott / dem Vnterthanen / gewalt geben sey / bösen Oberkeyten wider zu stehen.

**D**AS Paulus spricht: Es ist kein gewalt / der nit von Gott sey / dann die gewalt vñ Obrigkeitten sein von Gott geordnet / darumb der wider die gewalt strebet / der widerstehet Gottes Ordnung. Ist also zuuerstehen / das nicht meyniglich angenommen soll werden / das allweg einem jedem gewalt / darumb zuwillfahren vñnd gehorsam zusein billich oder schuldig / vñnd nicht etwan sein wandel vñnd leben / der vnterthan / möge wider vnbilllichem gewalt / anrichten. Dann beide geistlich vñnd Weltlich Oberkeyten irren mag / vñnd verführen / als  
germs

gernus geben/vnnd die Vnterthanen vnderstehen/inn Todtsündt zutreiben/solcher sol ein frommer Christen Man/nit gehorsam noch vnterthenig sein.

Die Christen haben sich aus grosser gotsforcht/den Römischen Kaysern widersetzt/die in inen den Christlichen glauben vernolget haben/was beständigkeit habn Laurentius vn Vincentius/wider Kaiserlichen gewalt bewisen. Ja ich halte/wann das Christliche Volck zu der Marterer zeyt auffrurig worden/vnnd hette aus lieb/die Ehr Gottes zuuordern/solche Kayser ihrer Regierungen beraubet/vnnd ihr vn Sinnige wütereij/abgetriben/das sie nicht schwerlich/vnnd gantz vnd gar nicht/daran gesündigtet hetten. Dann der heylige Augustinus schreibet/zu des Volckes stillschweigung/das Christus an das Creutz kommen/nach dem

D iij sie



sie den Fürsten vnd Phariseern widerstandten seindt,

Also auch sagt Hieronimus mit hellen wortn / das die heilig Barmhertzigkeit / so der Kirchen feindschaft nicht widerstehet / der Kirchen vñ schaden bringt. Item Ambrosius vnd Gregorius sagen / das die so vnterlassen / öffentlichen lastern zuwiderstehen / sich nicht gar ledig dargeben / vnd entschuldiget werden mögen / vom argwon vnd gemeinschafft derselben laster. Derthalb ist hoch von nöten / das man den böswilligen vñd verruchten Oberkeyten begegne / wil man ire thuns nicht theilhaftig sein. Also müssen nun des Apostels wort / mit einem gegen spruch gemessiget werden / wie er dann selbs anderswo sagt: Kein gewalt ist / allein zu auffbawung / das ist / der gewalt ist vonn Gott / souil er bauet vnd bessert. Wann aber in etlichen händeln /

händeln/der gewalt nicht barwet/  
so ist solcher macht zuwiderstreb/und  
nicht der gewalt/an ihni selb/  
von Gott.

Gewalt zur auffbarung ist von  
Gott/vnnd wer vil barwet/der ist  
gros im gewalt/und nicht der den  
Namen vnnd Tittel eines grossen  
Barwans/an das Werck hat.  
Daruff ist Paulus grösser in wa-  
ren gewalt / dann Petrus / Bern-  
hardus / dann Babst Innocentiz  
us oder Eugenius / Franciscus dan  
Babst Honorius. Den vnterth-  
nen ist gebotten / das sie den Predi-  
ger vnd Prälaten ermanen / sagen-  
de: Siehe auff deinen dienst / vnnd  
volbringe in. Ja sie haben ein ge-  
bot / das sie sich von jedem Bruder  
abwenden / der vnruwig vnnd vn-  
ordenlich wandelt / so volget das  
er noch vil mehr schuldig ist / sein  
ärgerlichen Prälaten vnd vorsteher  
inn Seel sachen zu vermeiden / vnd

D v als

als ein wust vnd giff gantz vnd  
gar zufliehen.

Niemandt ist schädlicher der  
Gemein Gottes/dann die ärgerli-  
che Priesterschaft/vnnd Gottlose  
Pfafferey/das müßige Teuffel  
gesindt. Darumb seind alle Christus-  
ten/niemandt ausgenommen/auch  
der arme Bawersman/den Kir-  
chen zerstörern/vnd heimlichen sel-  
len Dieben zu widerfechten schul-  
dig/warumb solten sie dann der  
verfürlichen Pfaffheit/ir tägliche  
ärgernus vnangefochten lassen/vn  
ihrer öffentlichen Abgötterey zu-  
hen/vnnd nit macht haben dieselb  
fruchtbarlich zuuertreiben. Dieser  
Spruch besteht noch vest vn  
Was die selige vn heilige Bawers-  
schafft in der Gemein Gottes/nit  
gutem vorbildt bawet vnnd auff-  
richt/das verderbt sie wider/so sie  
den Kirchen verhergern nicht das  
pffer widerstehet.

Das

## Das xxiii. Capitel.

Des Babsts vnd der Fürsten/  
vnwesenlich handlung / entsteht  
aus des Volcks bosheit vnd  
vngotsfürchtigem vnd  
rohen leben.

**A**lle jrung / mitwill / vermes-  
senheit / fräuel vnnnd trutz der  
geistlichen Oberkeyt / weltli-  
chen Fürsten / Königen vnd Kay-  
sern / hat seinen vrsprung / aus des  
Volcks bosheit / schalckheit / thorz-  
heit vnnnd vnerfarung. Das sicht  
man inn etlichen grossen Stetten /  
bey welchen / den Fürsten nicht alle  
ding gestattet werden. Die schein-  
barlichen Clöster / fürnemlich die  
reformirten / zeigen es auch genug-  
sam an / darinn jr Prälaten nichis  
dörffen für gut vorgeben / dann  
das nach ihrem führenemen /  
vnd

vnd dem augenschein nach recht  
ist/wann sie sich aber weiters et  
was vnterstehn zuthun/so wirdt  
inen nicht lang zugesehen. Die  
Historia Sanct Johannis des Täu-  
fers / ist ein mercklich Exempel:  
straffet des Königs Herodis bos-  
heit/darüber der König vngedul-  
tig war/vnd mocht den rath Got-  
tes nicht leidn/Were aber der grö-  
ser theil Volcks/gleich mit Johan-  
ne verstendig vnd gesinnet gewesen  
so hetten sie in mit solchen lastern/  
im Reich nicht gelassen / sonder  
vertriben.

Solcher art Fürsten wachsen  
aus des Volcks sünd vnd vbelthat  
dann ein solch Nest vnd Eyr/Kön-  
nen kein andern Vogl bringen. Es  
ist kein wunder / das die Atter  
vnd Natterschlang/ire eygen jun-  
gen beschedigen/vnd irer Mutter  
Leib ausbeissen/ir Natur ist nicht  
anders geartet. Also beschweren  
die

die Fürsten das Volck an Leib vnd  
gut/mit mancherley satzung/mit  
täglichen vnbillichen dienstbarkei-  
ten/vnd mit newen vffjetzen vnn-  
fündlein/es mag auch mit anderst  
sein/bey so gottlosem Volck/das  
Gott im hertzen nicht fürchtet/nit  
achtet/noch begert zu ehren. Dar-  
umb gebürte es Gott/das er den  
Fröschen einen Storch gebe/vnd  
sie vnter solcher Oberkeit/las von  
aussen/am Leib angefochten vnd  
gepeiniget werden/auff das jr ver-  
standt etwan auffgehe/vñ sie selbs  
jren grossen schaden befinden vnn-  
spüren mögen/denn sie der in-  
wendigen Gütter halb/  
täglich leiden.

Das

Das xxv. Capitel.

Das der Bábste dispensation/  
außsprechung / vnd etwan ihre Ty-  
rannen zuuermenden / vonn  
Vnterthanen / begert  
wirdt.

**D**AS vnder den Gebotten  
Gottes vnterscheidt zuhalte-  
ten / ist von den Pharisäern  
inn keinen zweifel nie gesetzt / vnd  
aus dem Deyligen Euangelio /  
offt erkläret / vnnnd von dem munn-  
de der Warhait selbs / inn diesen  
wortten bestendig erwisen. Das  
das erste Gebott vnder allen ist  
Habe lieb den **HERREN** dein-  
nen Gott / vonn gantzem hertzen /  
von gantzer deiner Seele / vnd von  
allem deinem vermögen / disz ist  
das erste Gebott / das ander disz  
gleich ist / Habe deinen Nechsten  
lieb

lieb als dich selbs. Item / den  
Schriftgelehrten rühmet Er von  
stundan / das diese zwey Gebott  
alle Brandtopffer vnd Fridopffer /  
so bey inen die höchsten sindt / vber-  
treffen / vnnnd bezeuget inn dem /  
das vnder Gottes Gebotten eine  
vnordenung sey / vnd das gedach-  
te zwey Gebott / vonn Gottes vnd  
des Nächsten lieb / die andern alle  
vbertretten / vnnnd allen fürzusetzen  
sein.

Welches dazu dienet / Wann  
zwey Gebott auff ein zeit / mit ein-  
ander ernordert werden / so soll der  
Gotsfürchtig gewis sein / das er  
durch verbindung / vnnnd noht-  
turfft des größern vom Kleinern /  
zur selben zeit frey vnnnd ledig sey.  
Dann in dem Gesetz Gottes / ist  
nichts ihm selb zuwider / vnnnd der  
Gehorsam wirdt nimmer Ver-  
wickelt / vnnnd inn zweuel gestellt.  
Sie sibet auff das höchst / auff  
den



den grundt/vnd Hauptstück/das  
ist/auff die auffbarung viler an  
Got durch Christum/disem spruch  
Pauli nach: Wer den Nächsten  
liebet/der hat das Gesetz erfüllet.  
Also dispensirt/vnnd schlehet ledig  
den Christen/von allen Gebotten  
Gottes/die Liebe/so durch vnges  
ferbten Glauben thätig ist/vnnd  
sonst kein Gesetz/bindet fürter den  
Berechten.

Dieweil das gesetz Gottes nie  
mandt fähret/oder ein strick an den  
hals würfft/haben unsere vnerfah  
ne/vnnd inn allen Götlichen sachen  
vnwissende Pfaffen vnd Prälaten/  
vil satzungen gemacht/vnnd die  
vmb gelt/gegen sonderen Perso  
nen abgethan/welches bey ihnen  
heist ein dispensation. Ja dergleis  
chen haben sie sich vnterstanden in  
Gottes Gebotten/vnnd also die ge  
wissen/vmb ihres gewins willen/  
gefangen geführet. Dann offte hat  
die

die arme Gemein wol gewüß/ was  
das bessere/ vñnd zuthun were/ so  
des Babsts gebott/ vñnd Gottes  
gesätz widereinander/ aber one er-  
kauffte dispensation/ hat sich des  
niemant dorffen annemen/ so doch  
ein jeder glaubiger/ bey jm solt ein  
geistlich vrtheil haben/ vñnd behend  
das besser annemen/ so offt die ge-  
ringere gebott/ nicht zugleich mö-  
gen besserlich sein/ sonder hinder-  
ampt fördern solte.

Solches erkläret der Herz Jes  
sus/ im gebott der ehren Vatter vñ  
Mutter/ vñnd im andern gebott/  
das da bemilcht die Gaben in Tem-  
pel zuopffern/ dan das erst hat Got  
selb gebotten/ vber einpflanzung  
der Natur. Das ander ist ein Pha-  
riseer satzung/ eigens willens für-  
genommen/ vñnd mag gut vñnd böß  
sein/ vñnd offt nutzlich vnterlassen  
werden. Dann lieb nicht allein ge-  
gen

gen vnseren ältern / sonnder gegen  
einem jeden Bruder so inn nöthen  
vbertriffte alle Opffer vnnnd ge-  
lübde.

Doch begert man dispensation  
vnnnd entledigung vom Stuhl zu  
Rohm / zum theil vmb forcht vnd  
Sorg wegen / seines eigenen ver-  
standts / darinn der Gotsuerstent-  
dig bas bericht geben möchte /  
dann das gewissen auff Gottes  
wort / vnnnd nicht auff der Mens-  
schen hochheit vnd ansehen baw-  
et. Zum theil erkaufft man aber  
Dispensierung vnnnd ledigung /  
vonn fürfallenden Gebotten / da-  
schon verstandts genugsam ist /  
allein zuuermeyden mühe vnnnd  
arbeit / vnnnd der Bäßtler vmb-  
treiben fürzukommen / so die leu-  
pflegen jämmerlich anzubinden /  
vnnnd sie doch selbs / der gebotte-  
nen ding keins gar nicht halten  
wie man täglich siet / vnnnd in

der warheit erfchret/darumb sey  
ein jeder trewlich gewarnet für  
falscher Leer vnd menschen  
satzung/darfür vns  
Gott behüte/  
Amen.



Handwritten text, likely bleed-through from the reverse side of the page. The text is extremely faint and illegible.

Vorrede.

An den Christlichen auß-  
hertzigen Leser/darinn des Durch-  
leuchtigen vnd hochgebornen  
Fürstens / Hertzogen  
Heinrichen vonn  
Sachsen ꝛc  
gedacht.

**S**Keuntlicher / lieber / getreus  
er / guthertziger Leser / dies  
weil ich die herrlichen vnterscheit  
des Euangelij / vnnnd der Papi-  
sten Leer / von dem hochgelerten  
Herren Philippo Melancthone /  
an Hertzogen Heinrichen vonn  
Sachsen gegeben / gestellt gefun-  
den / hab ich sie / auff das ihr nit  
gar vergessen wurden / hieher in  
Druck geordnet / auff das man  
auch sehe / was für ein enser / die  
I iij hohe

## Vorrede.

hohe Oberkeit/ vor fůrgangenen  
Tharen/ zu dem Wort Gottes  
gehabt/ vñnd ihr dasselbige abt-  
gelegen gewesen ist/ vñnd sonnt-  
derlich / den Hertzen von  
Sachsen / bey den es doch erst-  
lich entsprungen/ die im erstlich  
herberge gegeben haben.

Auß wellcher Zahl auch  
ist/ der Durchleuchtige / Hoch-  
geborne Fürst/ Hertzog Hein-  
rich von Sachsen/ ein tewrer/  
Edeler/ werder Fürst/ ein Lieb-  
haber vñnd förderer aller war-  
hait vñnd Tugendt/ der nicht  
ohne vrsach Heinrich geheissen/  
wellches ein Teutscher Name  
ist/ Vñnd heist so vil als inn-  
wendig

## Vorrede.

wendig vnd daheimen reich/  
ein guter / getrewer Haußuater  
ter vnd Haußhalter / vnd  
ist eben inn Latein / von dem  
Heiligen Mann Gottes Mar-  
tino Luther / eben der gestalt/  
Beschrieben / Das Heinrich/  
Sächsisch / auff Hoch Teutsch  
Heinreich / Als daheimen inn-  
wendig Reich / der ein gut  
Gewissen habe / heisse. Auff  
die Ebrehische Sprach Abra-  
ham / der ein Vatter eines gros-  
sen Haußgesindes gewesen.

Wie dann warlich der obge-  
melte Fürst seliger vnd hochlöb-  
licher gedechtnuß / Heinrich /  
ein außbunt eines Christlichen  
I iij guthers



Vorrede.

guthertigen Regentherren  
befunden worden.

Vnd ein Mann grosser erfahrung / wie sein Fürsliche gnaden / wol etwas vnd vil in seiner Jugendt in Frieslandt gelitten / da sein F. G. nit in kleiner gefahr seines jungen lebens gesteket / welliches das vralte / vnd aus Königlichem stamen entsprungenen Hausß von Sachssen / vil gekostet / doch mit der Friesen grossen schaden vnd niederlag / dergleichen bey Mans gedencen nit geschehen / daruon das hausß zu Sachssen grossen ruhm vnd Triumph erlanget / vnd von dem lobwürdigen Kayser Maximilian

## Vorrede.

rimiliano / ewige danckbarkeit /  
mit grosser reuerentz vnd auch  
Solennitet / verdienet.

Inn seiner Regierung aber /  
hat er sich gegen den Vnterthanen  
vnd Nachbahren also / mit  
allen gnaden erzeiget / das sein  
J. G. auch mit einem jeden By-  
derman selbst / als ein demütiger  
beywoner / gehandelt / vnd mit  
einem Kint auff der gassen ge-  
redt / darumb er noch heut bey  
Tag zu Frenberck / bey der alten  
Burgerschaft ein grosses lob /  
vnd ewiges gedechtnuß hat / desß  
sie oft mit weinenden Augen  
noch gedenccken / vnd die guttha-  
ten seiner J. G. gegen den Ar-  
men

## Vorrede.

men erzehlen. Wie er aber in  
der Christelichen Religion ge-  
gründet / meldet Johannes  
Schleudanus der treffliche Cro-  
nicus / ein förderer der warheit  
mit disen Worten.

Im 1539 Jar / den 24  
Tag des Aprilis / ist verschieden  
Hertzog Georg von Sachsen /  
vnd verlies keine Kinder hin-  
ter ihm / denn seine zwen Söh-  
ne waren vorhin ohne Leibs  
Erben gestorben. Derhalben  
Hertzog Georg / seinen Brudern  
Heinrichen / vnd desselbigen  
Sohn Moritzen vnd Augu-  
stum in seinem Testament zu  
Erben geordenet / Doch mit  
dem

## Vorrede.

dem bescheidt / das sie inn der Religion nichts verenderen solten / Wo sie dem nicht wurden nachkommen / solte sein ganze Landtschafft des Kayseris vnd des Königes Ferdinandi sein / so lang biß sein Bruder / oder desselbigen Söhne / oder der nechste Freundt / auß demselbigen Geschlechte geboren / sollichen Conditionen nachkome.

Da er das Testament also hette geordenet / hielt er es zu vor dem Adel vnd Landtschafft für / denn Er nun sehr alt / vnd nicht fast starck mehr war / vnd begeret / das sie das vor krefftig

## Vorrede.

tig wolten erkennen/ auch bey  
gegebner Treu schweren/ das  
sie daruon nicht abweichen wöl-  
ten/ weil aber desselben gefürch-  
tet wardt/ das nit etwa ein Krieg  
vnter der freuntschafft/ entstan-  
de/ batten sie in/ das er inen/ ein  
Bottschaft zu Herzogen Hein-  
richen/ seinem Bruder zuschri-  
cken/ vergünnen wölte/ das er  
geschehen lies. Denn sie ver-  
hofften/ er wurde verwilligen/  
das man in der Religion vmb  
dem Babstumb nichts enderte.

Derhalben wardt ein Lega-  
tion an in geschickt/ als dieselbi-  
ge vil ding vorgewendet hetten/  
damit sie ihn zu oberreden ver-  
meinten

## Vorrede.

meinten / fürnemblich aber das  
ein grosse barschaft / vil köstlichs  
haufrats / vnd silber kuchen /  
vorhanden weren / welches ihm  
alles werden / so ferz er dem bruz  
der zuwillen wurde. Antwort  
ihnen als bald / ohn alles bedens  
cken / vnd mit grossem ernst vnd  
euer / der sätige Mann Herzog  
Heinrich / vnd sprach: Meinert ire  
Es ist fürwar / mit disem eruern  
fürschlag / den ihr mir da thüt /  
wie mit dem / dauon die schrift  
saget: Das der Teuffel / Christo  
alle Reich der gantz Welt hab  
verheissen / wo er nider fallen vñ  
in anbetten wurde / dencket ir / dz  
ich irgent ein reichumb so hoch  
achte: Das ich vmb deß willen /  
von

## Vorrede.

von der erkandten warheit / vnd  
reinen Religion abtretten wöl-  
te? Warlich / Warlich: Ir soll  
euch das zu mir nicht versehen.

Derhalben / wie die wider  
heim zogen / nach dem sie nichts  
außgericht hatten / war hie zwis-  
schen Herzog Georg / ehe sie wi-  
der zu Haus kamen / auß diser  
Welt verschieden / vnd der  
antwort seines lieben Bruders  
nicht gewartet. Da zoch Herz-  
zog Heinrich / auff frischem  
Fuß eylends gehn Dresten /  
vnd inn die anderen Stette /  
vnd ließ ihm das Volck / als  
einem rechten natürlichen Herr-  
ren vnd Erben / hulden. Als  
auch

## Vorrede.

auch der Churfürst zu Sachsen / Herzog Johann Friderich / der Christliche Ritter vnd Gottes Heltz solliches erfuhr / das Herzog Georg vonn Sachsen gestorben war / der wol vmb sein Testament vñ anschläge wüste / machte er sich gefast / damit / wo es von nöthen gewesen / er Herzog Heinrich zu hülff kommen köndte.

Also bekam Herzog Georg / ein Erben vñ nachvolger / an der Regierung / wider seines herzen willen. Es wardt auch der Mann / welchen Herzog Georg / vor allen menschn / fürnemlich alle sein Tag auff's heffigst gehasset vñ veruolget / nemlich



## Vorrede.

lich der heilige / seliger vnd ewi-  
ger gedechtnus / Luther / vom  
dem neuen Fürsten gen Leipzig  
beruffen / daselbst thet er etliche  
Predigten / vnd machet der war-  
ren reinen Christlichen Lehr an-  
fang / das den alten Collegen  
vnd Stubenhunden der vniuer-  
sitet alda wenig gefiel / daran  
im nicht vil gelegen / denn er ein  
Mann war / der ohn alle scheu  
die warheit saget / vnd kein blatt  
vor das Maul nam / Gott geb  
Gott grüß / es gefiel / wem es  
wolte.

Von disem wardt begere / das  
er Hertzog Heinrich zu Sach-  
sen / die fürnemmbsten vnterschied  
der Christlichen reinen Lehre /  
dies

## Vorrede.

des heiligen Euangelijs / vnd der  
widerwertigen aduersarien stel-  
le solt / nach dem er aber domals  
mit hochwichtigen Geschäften  
beladn / hat ers dem Herrn Phi-  
lippo Melancthon zuthun be-  
volhen / welcher darin ein Mei-  
ster gewesen / vnd im in dem ge-  
wilfaret / vnd dise hernach vol-  
gende Capita / auß begeren vnd  
fördern / des Durchleuchtigen /  
Hochgeboren Fürsten vnd Herz-  
ren / Herzogen Heinrichs zu  
Sachsen / ordenlich gestellet / in  
welchen die Christliche tradition  
gegen den widerwertigen vnd  
strentigen / gehalten / vnd stuck-  
weiß gehandelt wirdt / die eines  
verneuens wert vn̄ würdig ist. etc.

℞

Von

# Von Christli- cher vnd Abgöttischer Leere.

Der erste Vnterscheidt / Von  
DERRN Christo / vnd dem  
Glauben.

**D**as Euangelium lehret / das  
vns Gott aus vnaussprech-  
licher gnad / seinen Sohn  
vnsere Herzen Jesum Christum  
gesandt hat / für vnser Sünde ein  
Opffer zu werden / sündt vnd den  
ewigen Todt anzunemen / vnd das  
dieses / der ewige vnd vnwandelbar  
Gottes wille ist / das wir glauben  
sollen / das wir warhafftiglich  
allein vmb des Herrn Christi will-  
en / vergebung der sünden haben  
vñ für gerecht gehalten werden / vnd  
nit durch vnser verdienst.

Antwort der Wider-  
wertigen.

Dagegen sagen die papisten nit  
vom glauben / ja leheren dawider  
man sol zweiffeln / ob man vergeb-  
ung habe / Item die Ehre Christo  
gebürendt / geben sie den wercken /  
vnd erlanget jemandt vergebung /  
so erlangt ers durch verdienst eyge-  
ner werck / lestern also Christum /  
vnd lassen das gewissen darzu inn  
zweifel stecken.

### Der ander / Von der anruffung.

Das Euangelium lehret / man  
sol Gott anruffen im glauben / vnd  
nicht zweifeln / er wolle vnser Ge-  
bett annemen vnd vns erhören.

### Antwort der Wider- wertigen.

Die Papisten lehren / man soll  
Gott im zweifel anruffen / wie jhn  
die Laiden vnd Juden anruffen /  
Darumb ist aller Gottes dienst /  
K ij eitel

eytel falsch/heidnisch ding bey ih-  
nen.

### Der dritte / Von guten Wercken.

Das Euangelium lehret / das  
dises allein gute Werck / vnd Gots  
tes dienst seind / die Gott gebotten  
hat / Gott fürchten / an in glauben /  
in lieben / bekennen / predigen / an-  
ruffen / dancken / seine Leer fürdern  
fleissig sein in aller regierung vnd  
diensten Gottes lob / ꝛc. laut der  
zehen Gebott Gottes.

### Antwort der Wider- wertigen.

Die Papisten machen eigene  
Gottes dienst / on beuelch Gottes /  
als Müncherey / vnterscheidt der  
speis / Kleider / Ehe verbot / vnd set-  
zen solche werck / vber Gottes ge-  
bot / heissen sie volkkommenheit /  
achten sie höher / dan das Predig-  
ampt / Ehstandt / Landt vnd Leu-  
te regie

te regiren / Kinder erneren vnd auf-  
ziehen / ꝛc.

**Der vierte / Wie gute Werck  
Got dem Almechtigen  
gefallen.**

Das Euangelium lehret / wie  
gute Werck Gott gefallen / so sie  
doch vnuolkommen seindt / vnd  
sünde in Heiligen inn disem leben  
bleibet / doch gefalle der angefan-  
gen gehorsam in glaubigen / so wir  
vnsrer schwachheit erkennen / vnd  
widerstehen / vnd glauben / das sol-  
cher dienst Gott wolgefalle / vmb  
Christi willen / der vnsrer Mitler ist /  
durch den wir vnsren dienst opfe-  
ren.

**Antwort der Wider-  
wertigen.**

Die Papisten sagen / Es sey  
kein Sünde in den Dayligen / inn  
disem leben / ja man künde noch  
vber Gottes Gesätz höher Werck  
A in thun /

thun/vnnd sagen gleichwol einem  
jeden / Er soll zweueln vnnd im  
zweuel bleiben / ob sein leben Gott  
gefalle / das ist auch ein böser  
denischer irthumb / so tieff eingewur-  
telt / das mans schwerlich  
ausrotten kan.

### Der fünffte / Von der Heyligen anruffung.

Das Euangelium lehret / man  
sol allein Gott den Vatter / Sohn  
vnd Heyligen Geist anruffen / das  
auch allein der Sohn Gottes / vn-  
ser Herz Jesus Christus / der einzige  
Mitler sey / vmb welches willn ge-  
wislich / Got vnser gebett annimbt  
dagegen verbent das Euangelium  
aller Heyligen anruffung.

### Antwort der Wider- wertigen.

Die Papisten lehren / man solle  
die Heyligen anruffen / vnnd  
schmucken

schmucken solche anruffung man-  
cherley / sie bleibet aber im grundt  
ein Abgöttische vnnnd Daidnische  
Lehr / daraus bisher zu vnser zeit  
vil Gottes lesterung geuolget.

Der sechste / vom Brauch / des  
Heyligen Sacraments / des  
Leibs vnd Bluts Christi  
des HERRN.

Das Euangelium lehret das /  
so die Kirche zusammen kombt /  
ein Communio sol gehalten wer-  
den / darin etliche das Sacrament  
des Leibs vñ Blutes / vnseres Her-  
ren Christi entpfahen / nit für ande-  
re zuopffern / oder anderen damit  
zuhelffen / sonder wie vnser HERR  
Christus spricht / zu seinẽ gedechtn-  
nus.

Das ist / zur gedechtnus seines  
leidens vnnnd seiner gnaden / vns  
erworben vnd zugesagt / welliche  
A iij ein



ein jeder durch eigene gedechtnis  
vnd glauben ihm selbs annemen  
mus/vnd bey disem zeugnis glau  
ben / das ihn vnser Herz Christus  
für sein glidmas halten wölle/vnd  
ihn mit seinem blut am Creutz Ge  
reiniget habe vnd ihm dafür dan  
cken.

Diser brauch ist in der Babsche  
schen Mess vnd Canon gantz ver  
ändert / die weil denn das Sacra  
ment außserhalb dem eingesetzten  
brauch / mit ein Sacrament ist / im  
opffern / in priuat Messen / im um  
tragen / ist öffentlich am Tag / wie  
ein schreckliche sünde es ist / Christi  
ordnung verthieren / vnd falsche  
Gottesdienst vnd anbettung an  
richten / vnser Herz Christus hat  
auch geordnet / dasz das Sacra  
ment gantz soll gebraucht werden.

Antwort der Wider  
wertigen.

Der Babst mit seinen Pfaffen  
vnd

vnd Mönchen/hat aus dem Sacrament ein Opffer gemacht/vnd lehret / dieses Werck verdiene dem Messhalter / vnnnd andern lebendigen vnd todten vergebung der sünden / glück vnd wolfart inn allen sachen. Derhalben die Messen in allerley sachen / auch für die todten gekauffet vnd verkauffet sein worden.

Darüber haben sie gesagt / die Messe verdiene solche gaben / der Messhalter sey fromm oder vnfromm.

Item / sie haben disputirt / ein Messe für vil gehalten / verdiene nit so vil / als so für jedlichen ein eigne gehalten wurde.

Weitter haben sie das Sacrament getheilet / vnd vmbgetragen zum anbetten / so doch on den einzgesetzten brauch vñ wort / mit mag gesagt werden / das es ein Sacrament sey.

Diese ire Lehre vnd brauch / ist der fürnembsten stuck eins / da Christus

stus von saget/aus dem Prophe-  
ten Daniel/Es werde in der Kir-  
chen ein grewel aufgericht werden  
dadurch die rechte lehre/vnnd der  
reine Gottesdienst verwüstet wer-  
de/dann Christus ist selbs der Prie-  
ster/der sich geopffert hat/vnd sein  
einiges Opffer/hat für alle Weyli-  
gen genug gethan/Hebre:decimo  
vñ wir erlangen vergebung durch  
den Glauben / nicht durch des  
Weszhalters Werck / Roman: 4  
Auch ist es vnrecht / das sie den  
Layen nur einen theil des Sacra-  
ments reichen / sagen noch trutz-  
lich darzu / es geschehe darumb/  
das man des Weszhalters werck  
desto höher achten sol.

### Der Sibende / Von der Bus.

Das Euangelium lehret/das  
ernstliche rewe vnd schrecken/vor  
Gotes zorn wider die sünde/in vns  
sein sol/dazu sol aber auch das ges  
wissen

wissen getröstet werden/durch die  
verheißung Christi/vnd den glau-  
ben/das vnns warhastiglich die  
sünden vergeben werden/aus gna-  
den/en vnser verdienst vmb Christi  
des Sons Gottes willn ꝛc. vñ das  
vns/so wir also durch denselbigen  
glauben trost entpfahen/der heyliz-  
ge Geist geben wirdt/vñ die gnad  
des himlischen Vatters mitgeteilt.  
Es fordert nit sünde erzehlung in der  
Beicht/vnd verwirfft gantzlich die  
schendlichen lügen/von mensch-  
licher genugthung vnd satisfac-  
tion/damit die gnadt Christi/vnd  
der glaube gantz verdunckelt ist.

Es leret auch/wie man das ge-  
wisse recht vñ warhastiglich tröste  
sol/mit dē Euangelio vñ der Abso-  
lutio/dadurch wir erinnert werde dz  
das Euangelio warhastiglich ver-  
gebüß der sündē verkündigt/vñ das  
dieselbige vergebung/nit allein inn  
hauffn gepredigt werden sol/sonder  
das ein jeder für sich selbs/solliche  
stimb

stimb anzunemen schuldig sey / soll  
vnd mus glauben / dasz das Euang  
gelium vergebung der sünden an  
biete vnd gebe / diese tröstliche lehr  
von der Absolution / haben die Pa  
pisten gantz vertilget / wie in der Ge  
genlehre zusehen ist.

Es lehret auch / dasz der beke  
rung / ein angefangner gehorsam  
inn Gottes gebotten volgen mus  
vnd diese werck belonet Gott / mit  
allerley gaben vnd hülffe / wie ge  
schriben steht / bekeret euch zu mir /  
so wil ich mich auch zu euch keren

### Antwort der Wider wertigen.

Die Papisten nennen das wort  
Kewer / vnd lehren wenig darvon /  
vom Glauben / dardurch man ver  
gebung der Sünden hat / sagen sie  
gantz nichts / heissen zweiueln / vnd  
Gott vnwarhafftig scheltn vnd le  
stern / vnd veruolgen das Euange  
lium von diesem glauben / dadurch  
man

man vergebung der sünden entpfāhet.

Item/beladen die gewissen/mit sünde erzelung.

Item/sie machen die Absoluti-  
on vntüchtig/vnnd sagen/ sie sey  
nichts/so der Mensch nit verdienst  
genugsam habe.

Item/sie gebieten eigne werck/  
vnd Menschen satzung/damit für  
die sünde genug zuthun/vnd zu ver-  
dienen erlösung der ewigen straffe.

Vnd wenn gleich kein ander ar-  
tikel wer/ derhalben man nötige  
ursach hette/sich vom Babsthumb  
zutrennen/dann allein diser irer ir-  
thumb/das sie vnrecht von der Bus-  
lehen/vnnd die gantze Kirch auff  
erdicht/erlogne satisfaction führen/  
so hette man doch genugsam ur-  
sach wider sie/darzu seind durch die-  
se satisfaction/vil andere irthumb  
mehr gestercket vnd gemehret/als  
Weshalten/andern damit allerley  
zuerdienen/Müncherey/walfar-  
ten/

tē/ Indulgentzen/ segferor ꝛc. weltliche stuck alle vol lügen vñ Gotteslesterung seindt.

## Der achte / vom gewalt der Schlüssel.

Das Euangelium leret / das die schlüssel sein ein beuelch vñ gewalt / dz Euangelium zu predigen / die heiligen Sacramēt zureichn / öffentliche sündler zu straffen / also das sie böse / das sie nit glidmas Christi / sonder des Teufels / vñ verdampft seindt / so sie sich nit bekeren. Item die jemen zu absolvirn / so sich bekeren.

Vnd das schlüssel nit menschen gewalt sein / satzung derselbigen zu machē / weltliche herzschaft an sich zu ziehen / die excommunication zu weltlicher regirung zugebrauchen.

## Antwort der Widerwertigen.

Der Babst füret die Schlüssel in

Im schildt/vnd schendet dieselbigen  
schrecklich/erstlich raubet er der ge-  
meinē kirchn irn gwalt/vñ spricht:  
Die schlüssel seind dem Babst für-  
nemlich gegeben/dz er ein Herz vñ  
Richter vber alle Kirchen/Pfar-  
hern/Bischove/Könige vñ Welt  
sein sol/in geistlichen vñ weltlichen  
sachn/dz von im alle Bischove sol-  
len jr ampt entpfahen/dz er vñ an-  
dere Bischove/in kraft diser schlüs-  
sel/mögen Menschen satzung ma-  
chen/newe Gottesdienst ꝛc mögen  
mit dem Bann ein weltliche regie-  
rung anrichten/König setzen/vnd  
entsetzen/welches alles vnrecht ist.

### Der neunte artickel / Von Men- schen satzungen.

Das Euangeliū verbent Gottes  
dienst/an Gotes wort vnd beuelch  
zumachn/vñ dise kün vñ vermessen-  
heit/Gott ein Werck für zustellen/  
vñnd zu erdichten/also mus es im  
gefallen/



gefallen/vnd bey disem wölle er ge-  
nedig sein/ist ein schreckliche/heime-  
liche sünde/die wenig Leut erken-  
nen oder achten.

Darumb / ist die Welt allesen  
inn solcher blindtheit fortgefaren/  
hat newe seltzame ding erdicht wie  
die Daiden/einer Jouem/der aus  
der Martem/der dritte Junonem.

Also auch die Bábste/Bischo-  
ne vnd Münche/haben vnterscheit  
der speis/Kleider/Eheuerbot/Di-  
den/Weyligen/Bilder/Processen  
gewölte Fasttage erdicht. In sol-  
chen dingen allen/ist nit allein auß  
werck zusehen/fleisch essen oder nit  
essen/ist ein geringe sache/aber es  
hanbtstück in allen solchen dingen  
ist hoch zuachten/das Gott nit has-  
sen wil/das wir Gottesdienst ma-  
chen oder halten/oder den Leuten  
fürstellen/on sein wort vnd beuelch  
vil weniger soll mans halten/für  
werck/die vergebung der Sünden  
verdienten/7c.

Wider

Wider alle solche jrthumb schreiet  
Gott/ Vergeblich ehren sie mich/  
mit Menschen gebotten. Darumb  
soll man kein Sünde daraus ma-  
chen/so man solliche heucheley nit  
helt/vnd ist ärgerlich mit ernst dar-  
ob zuhalten/dann die einfeltigen  
werden ire/vnd vermeinen es sey-  
en Gottes dienst.

### Antwort der Wider- wertigen.

Der Babst / Bischone / Pfaffen  
vnd Mönche / treiben diesen Artz-  
ckel hefftig vnd hart / nemlich das  
werck on Gottes wort vnd Gebot/  
von Menschen gewöhlet / hohe/  
heilige Gottesdienst seyen / setzen  
dazu / das es vollkommenheit sey.  
Item wer solche ire Gebot nit helt/  
der sey ewiglich verdampt / sey  
ein abgeschnitten / verworffen glid-  
mas von der Kirchen / sey auffrü-  
risch / Ketzerisch schismaticisch / mit  
solchen schrecklichen trouworten /  
treiben

treiben sie die Leute ab/das sie ihre  
falschen vnnnd vnrechten Gottes  
dienst halten.

Vñ wenden ein welt weisheit für  
es sey ein schöne ordnung/disciplin  
das die kirch also geordnet sey/mit  
Prälaten/Stenden/mit besondern  
gebreng in Klaidern/der zeit/speis/  
vnd allerley gauckelwerck/vnd ist  
war/ordenüg scheint schön. Aber  
es wil Gott nicht haben/das man  
im in sein Regiment greiffe/er wil  
nit leiden/das wir sein wort/aus  
vnsern augen setzen/vnd volgen eu-  
genem wohn/daraus kommen ist  
Schlangen anbetten/dahin stellet  
man/so man Gottes wort/aus  
den augen lest/vnd secht an Weni-  
schen satzungen zuschmucken.

Zu dem weist man/welche gro-  
se beschwerung/den forchtsamen  
gewissen/dise last gewesen. Da

Der zehendt / Von der Prie-  
ster Ehestandt.

Das Euangelium leret / man sol  
den Ehestandt keinem Menschen /  
der darzu von Natur tüchtig / ver-  
bieten / vnd neinet das verbott Teu-  
fels lehre / darzu preiset es den Ehe-  
standt / das er bey den rechtglau-  
bigen Keuscheit vnd reinigkeit sey /  
Gott gefellig / vñ gebent allen per-  
sonen / sie heissen Priester oder an-  
dere / Ehlich zuwerden / wellichen  
solches vnnöthen / I. Corin: 7.  
Paulus redet auch deutlich von  
Ehlichen Priestern. Titum I.

Antwort der Wider-  
wertigen.

Der Babst hat den Priestern die  
Ehe verbotn / wider Gotes beuelch  
vñ damit erschreckliche vnd grau-  
same vnzucht in die welt gefürt / vñ  
Gemehret / vñ wiewol die alten Cas-  
siones / die Puester / so sie Ehlich  
E u worden /

worden/nur einsetzten/so ermordete  
sie doch jetzundt der Babst vnd sei-  
ne Tyrannen/welches alles greu-  
liche sünden sein/vnd ein bsonders  
zeichen des Antichrists/wie Da-  
niel spricht: Er werde die Frauen  
verachten/das bedeut Ehe verach-  
tung vnd schreckliche vnzucht.

### Der ailffte / Von Müncherey vnd Closter gelübden.

Die gelübde/vnnd vil stück im  
München leben/seind stracks wider  
der das Euangelium vnnd Gesetz  
Gottes/dañ Müncherey vertilget  
den Glauben/raubet Christo sein  
ehz/vnnd gibt sie den wercken der  
Menschen/macht aus eignen er-  
wölten wercken/Gottes dienst/  
treibet zum Mesßhalten/vnnd an-  
ruffung der Deyligen/hebet solli-  
che heyligkeit vber werck vñ Sten-  
de/die Gott gebotten hat/wellic-  
ches

ches alles ist wider das Deylige  
Euangelium.

### Antwort der Wider- wertigen.

Die Mönche lehren / ire gelübte  
verdiene vergebung der Sünden /  
sein Deyligkeit / vñ volkommenheit  
vor Gott / verdienen ewiges leben /  
seiner Propheten Elie vñnd Elisei  
Standt / welche Prediger gewesen  
vñ in grossen sachen in verfolgung  
vñ anfechtung / die last der Regie-  
rung getragen / vñnd haben nicht  
Menschen gesatzung gehabt / so  
dargegen Möncherey eytel lügen /  
sanfft leben vñ abgötterey ist.

### Der zwölffte / Von der Sünde.

Das Euangelium lehret / das  
nicht allein eusserliche böse werck /  
L iij sünde

sünde sein / sonnder dz menschliche  
natur verderbt / dz sie Got nit ernst-  
lich fürcht / nicht auf in vertraut  
vñ vol böser neigug ist / wider Gotes  
gsätz / diese schwachheit ist war-  
haftig sünde / zun Röm: am 7. Cap

### Antwort der Wider- wertigen.

Die Papisten lern / der angebote  
ne vngheorsam vñ neigung / wider  
Gotes gsätz / sey nit sünde / darumb  
kündeman Gotes gsätz gnug thun  
verblenden also die lehre / vom der  
Bus / sünde vnd gnade.

### Der dreizehent / Von vnterscheit des Gesetzes vnd des heylig- gen Euangelij.

Vnterscheit des gsätzs vñ des E-  
uangelij zu wissen / ist hoch vñ nöthig  
wie es Paulus gelet / Rom: 3. vnd  
7. vñnd 2. Corinth: 3. vñnd ist ein  
licht

liecht durchaus in Gottes wort/dz  
selbige recht zuuerstehen/nemlich/  
das gesätz lehret die gebot/fordert  
volkommen gehorsam/strafft alle heis-  
ligen/vnnd gibt nit vergebung one  
verdienst/nimbt nit sünden on ver-  
dienst noch todt hinweg. Aber das  
Euangelium predigt also busse/dz  
es auch tröstet/vñ vergebung gibt  
der sünden vñ Christi willn/on vn-  
ser verdinst vñ fähēt ein neues ewi-  
ges leben an/vnd geistliche Gottes  
dienst ꝛc. doch dise hohe Artickel/  
wolten wir hie mit allezeit anziehen.

### Antwort der Wider- wertigen.

Die vnfrüigen Papisten schreiben  
in allen irn Büchern/es seyen 3. ges-  
sätz/dz natürlich/Jüdisch vñ Euā-  
gelische/vnd leren dabey/ein jeder  
sey also zu seiner zeit/durch sein ges-  
sätz selig worden/wissen gantz kein  
vnterscheit/zwischen dem Gesätz/  
¶ iiiij vnd



vnd dem Euangelio / machen das  
nach Affen aus dem Satz Moise  
wöllē im Euangelio ein solch Priester-  
sterthumb / solche Ceremonien / sol-  
che Opffer haben / wie inn dem  
Moise / aus disem grundt / wöllen  
jetzundt die Klugen / die Messe er-  
halten.

### Der vierzehent / Von den Walfarten.

Das Euangelium lehret / man  
sol Gott allein anruffen / wie dros-  
ben gesagt / vnd in an sein wort / an  
keine zeit noch statt bindten / wie  
Christus spricht. Johan. am 14.  
Cap. vil weniger soll man gedens-  
cken / die heiligen sein kressftig bey  
disem oder anderem bildte / dan sie  
nit almechtig seindt.

### Antwort der Wider- wertigen.

Die

Die Papisten lehren / Gott wöl-  
le bey diesem Bilde gnediger vnd  
kressziger sein ꝛc. Das ist offentlich  
wider Gottes gebott / das Bilder  
zu ehren verboten / darnach ma-  
chen sie Götter / aus den Heiligen /  
vnd sagen : Die Heiligen wollen  
auch gnediger vnd kressziger sein  
bey diesem bilde / das ist offentlich  
abgötterey / nicht anders / dan wie  
die Heiden gehabt / mit Diana /  
Ephesia / vnd dergleichen.

### Der fünffzehent / Von dem Fegfeuer.

Das Euangelium spricht : Die  
in Gott gestorben / sein selig. Item  
man sol den Todten gespensten nit  
glauben. Item zun Römern am 6  
Cap. So der Leib todt ist inn den  
gerechtn / so ist die sünde weg. Dar-  
umb ist der Papisten Lehr eytel lü-  
gen / die sagen / man müsse im Feg-  
L v ffeuer

feur genugsam thun vnd abbissen  
als es war were / aber es dient den  
Gesellen in die Kuchen / vnd füllen  
die Böden ꝛc. sie werden aber eine  
warne Kuchlein / aber nit streublin  
essen müssen.

### Antwort der Wider- wertigen.

Die Papisten sagen / man muß für  
die sünde gnug thun auf die falsche  
lehr haben sie das feur gebawet  
vnd darnach den Westram  
auffgericht / welches alles vnrecht  
ist / vnd von dem Teuffel selb vnd  
seinen zwoßsbotten erdicht vnd er-  
funden.

### Der 16. Von der weltlichen Oberkeit.

Das Euangelium lehret / die  
Weltliche Oberkeit soll ensterliche  
lasten


laster straffen / an allen vnterthas  
nen / Priestern vnd Layen / Item /  
sie sol / als ein gliedmas der Kirch  
en / alle Abgötterey abthun / vnn  
schaffen / daß rechte lehr / vnd rech  
ter Gottes dienst gehalten werden.

### Antwort der Wider wertigen.


Der babst hat sich vñ seinē hauf  
fen ausgezogen / das sie frey alle  
vnzucht getriben. Item / Er will  
macht haben zusetzen / zuschliessen /  
was er will / vnd ihm gefellig ist /  
König vñ Fürsten sollen im nichts  
einreden / Item sollen nicht haben  
voces decisivas &c. Vnd zudem / das  
Er dise Irthumb helt / mördet Er  
vnn sein anhang / die ihenigen /  
so dise irthumb straffen / damit sie  
sich beweisen / das sie des lebendis  
gen Teuffels in der Dellen Diener  
seindt / der ein Lügner vnn Mör  
der ist / vnn bleibet zu ewigen  
zeiten

zeyten / Darumben sollen sich alle  
Gotsfürchtigen von den Papiſten  
böſen Chriſten / mit hertzen ab / vn̄  
von ihn wenden / vnnd Gottes  
wort / vnnd rechte Gottes  
dienſt lernen vn̄ trew  
lich halten.

A M E N.







# Antwort:

Michaelis Lindneri Poete  
L. vnd Chronici / Auff drey pro-  
positiones, die im ein Vasall, des  
D. Römischen Reichs / auff  
einer raiße vorgege-  
ben hat.

## Die 1. Proposition.

Ist vonn der dritten Bitt des  
heiligen Vatter vnser / Dein  
will geschehe / &c.

**H**och vn̄ wolgeborner Herr /  
Graf. Ich gedenc̄ noch oft  
ewrer gnaden Proposition / De vo-  
luntate Dei, Nemlich / von dem wil-  
len Gotes / welcher vrsprung L. G.  
vn̄ D. aus der 3. Bitt / des heiligen  
Vater vnser genorn̄en / daraus ge-  
schlossen / das Gott wolle / vnd für-  
nemlich das wörtlin will / das ist in  
Latein



Latēin voluntas, exagēriert vnd auß-  
gemutzet. Ist aber nit ein sonderli-  
cher locus alhie vonn dem willen  
Gottes zureden / sonder der rechten  
eygentliche verstandt / diser Bitte  
des heiligen Gebettes Orationis Do-  
minice, ist der.

Dein will geschehe / wie im Him-  
mel / also auch auff erden / in welcher  
wir kurtzlich bitten / das vnser  
eygener will / alle vnser natürliche  
kressft / sinn vnd gedancken / ja der  
gantze Adam / der dem heiligen  
Göttlichen / vollkommenen willen  
Gottes des Heren widerstrebet /  
durch Christum vonn Gott dem  
Vatter / also begnadet werde / das  
wir warhafftiglich / nach dem in-  
nerlichen Menschen / seinen Göttli-  
chen vnd besten willen / der vns in  
den zehen Gebotten Gottes fürge-  
schriben / gehorchen mügen / das  
er vns lehre in seinem Geist / im sei-  
nem reich / seinen Göttlichen will-

len zuverbeingen / vnnnd darneben  
dapffer vnnnd behertzt / so es darzu  
kombt / seine Vätterliche rute dul-  
den. Als Kranckheit / Armut /  
schandt vnnnd andere widerwertig-  
keyten / Creutz / leiden / vnd inn den  
allen / mit danckbarem gemüt / die  
Vätterliche zucht auffnehmen / vnd  
erkennen.

Item das er alle vnser thun /  
vornemen / vocation vnd officia di-  
ses lebens / nach seinem Götlichen  
willen leyte vnd füre / das wir thun  
wie wir schuldig vnnnd sollen / nach  
seinem willen. Er / der Derr / wil  
ja / wir sollen aber vñ müssen auch  
so wir nicht des Teuffels sein wöl-  
len / auff das der Name Gottes /  
nicht durch vns geschendet werde /  
das wir solche leuthe hie auff diser  
erden / durch sein genadt / in seinem  
reich sein können / quia hic incipit re-  
gnum Dei, in Ecclesia Christi, dz man  
spüren kan vnnnd mag / das wir zu  
Gottes

Gottes wort einen lust haben/vns  
ser leben darnach zurichten/dann  
hie auff diser Erden alle sünde ver-  
zihen vnnnd vergeben werden/dort  
wirdt nichts draus / es ist vmb  
sonst/darumb wir hie Busse thun  
müssen vnnnd ablan/wie die Engel  
vnnnd Himelischen Geister/die sei-  
nem wort vnnnd Beuelch nachkom-  
men/Gott loben vnd singen/Gott  
sey lob in der höhe vnd in ewigkeit/  
wie dann Luce 4. gemeldet wirdt/  
daher gehört das Sacrificium laudis,  
betten / flehen vnnnd Gott danck-  
sagen/das auch der 102 Psalm be-  
zeuget mit disen worten.

Benedicite Domino, omnes Angeli  
eius, omnes caelorum virtutes,  
ministros eius, qui facitis vo-  
luntatem eius in caelis &c.

Nus doch die helle liebe Sonne/  
der liechte Mond/die Klarn Stern  
am Himel / alle Element / Ferwer  
vnd Wasser / Lufft vnd dufft / laub  
vnd

vnnnd gras/vnnnd aller ding Mut-  
ter/die liebe Erde/seinem almech-  
tigen/Göttlichen wort/vnnnd Bes-  
uelch nach Kommen/vnd gehorsam  
sein/warumb dann wir nit/die wir  
doch Gott mehr gekostet haben/  
dan dise alle/vñ seindt auch die alle  
grausam gestrafft worden/welche  
seinem Göttlichen willen je wider-  
strebt haben. Als Pharao/Chore/  
Dathan/Abiron/Saul/Herodes  
vnd dergleichen vnzeliche vil mehr  
die alle erbärmlich gestorbn/ewig-  
lich verdorben vnnnd verdammet  
seindt.

Das ist der rechte inhalt an dem  
Orth/von dem wörtlein will/vnnnd  
nicht das wir dasselbige so weit  
deneten vnnnd spanneten / vnnnd  
ein Labarinth daraus machten/  
vnnnd sagten/GOTT will / vnnnd  
schlussen endlich/Gott wil im fal  
das wir nicht thun/noch dem ihe-  
sigen nachkommen/was er jeder  
M ij zeite

zeite haben will/vnnd begert/wir  
müssen aber vnser sollen vnd schuld  
dig sein darzu setzen. Wie fern  
aber Gott wille/ist vns inn seinem  
Götlichen wort geoffenbaret vnnd  
endecket. Also jr Brüder/schreit  
man im Kriege aus/das wir sein  
Götliches wort fleissig hören/stäte  
indie Predig gehen/dasselbige inn  
vnser hertz pflantzen/dasz hendt vñ  
fürs inn vns gewinne/Busse thun/  
das ist/nimmer/nicht mehr/noch  
forthin/ein newes leben anfahen/  
dasselbig ins werck bringen/vnnd  
selig werden.

Vnd vns nicht trewmen lassen/  
oder vergebens/wie die Thoren  
imaginiren/Gott will/quasi vero/  
vnd wartet mein/im sahl das ich  
nit kom noch will/nein/nein/es  
heist hie nicht/Gott wil/sonnder/  
Gott wil nicht in keinem weg/mit  
nichte/dieweil du thust/was er nit  
will/vnnd ernstlich verbeut/vnnd  
Ecn

tan der spruch des heiligen Sanct  
Pauli / hieher nicht referiert noch  
gezogen werden. Non est volentis  
neq; currentis, sed miserentis Dei, Als  
wolt man sagen / Gott will / vnd ist  
gnedig / Cum Deus sit misericors: nein  
es heist / ehe man zu der Barmher-  
tzigkeit Gottes kombt / Agnoscere  
delicta & fateri, postea emendare vitam,  
agere poenitentiam, præterea petere mi-  
sericordiam Dei, dann es ist zeit / dan  
will Gott / Darnach saget man /  
peccavi pater, miserere mei, inutilis sum,  
ignosce mihi delicta, propter filium tuum  
darnach mus man vnser velle vnd  
currere ansehen vnd bewegen / das  
nichts nutz ist / das wir auch pro-  
prijs viribus nichts vermögen / vnnnd  
nur schreyen Misericordia, Misericor-  
dia.

Vnd ist auch eben die Miseri-  
cordia nicht so mit grossen weiten  
Augen anzuschawen / als wer Got  
der almechtig so barmhertzig / das

Er mir mein Sünde verzihe / so ich  
sie auch nicht erkennet noch bes  
kennet / auch nicht busse thet / vnn  
darinn verharret / stirbe vnn  
durbe / wie dan von dem Weib ges  
redt ist worden / welches in Italia  
mit dem Teuffel geleichet / die zu  
ewigen zeiten kein Barmhertzige  
Keyt erlanget / dieweil sie sich dem  
Teuffel mit Leib vnn Seele  
ergeben lebendig / vnn sich dem  
selbigen eingeleibt hat / vnn wi  
der vnn inn die Barmhertzigkeit  
Gottes gesündiget / wie alle Un  
hulden vnn Zauber vnd Zauber  
rin / dann wie wolt die zu Gnaden  
kommen / die dem lebendigen Teu  
fel / bey Leib vnn Leben einges  
leibt ist / vnn sich freywillig wider  
Gotes gebot dem Teuffel verbun  
den da ist / finalis impenitentia  
postquam incorporata est Sathanae  
adhuc viuens.

Awe nit / es heist / weil es zeit ist  
vmb

umbkeren (vnd nit alweg auff vnd  
in die gnadt Gottes sündigen / ein  
rohes Gott zunicht leben führen )  
den rechten weg inn Gottes wort  
treffen. Auff die weise / wann man  
dem alten thandt nach trolen  
wolt / vnnnd die gnadt vnd Barm-  
hertzigkeit Gottes / so wolfeil vnnnd  
leichtfertig schätzen / möcht man  
endlich auch Concludiren / vnnnd  
die Helle des Teuffels rachen gar  
auffsperrn / vñ sagen / Got ist barm-  
hertzig / Ergo / Kan er auch die ver-  
damptn vñ Teufel aus der Hellen  
erlösen vnnnd führen / dann es ist ihm  
nichts vnmöglich / Nein der ab-  
truck ist schon geschehen / Gott ist  
wol Barmhertzig / aber gerecht  
vnnnd warhafftig / was er dir zu-  
sagt inn seinem wort / das helt er /  
das war ist / aber wider sein Wort  
die Wahrheit / thut er nicht / darinn  
Er gerechtigkeit vbet / sonst bestün-  
de sein Reich vnd Herligkeit nit /  
macht vns kein sonderlich s.

W iij Derz



Derhalben wie Gott der All-  
mechtig gegen vns gesinnet / vnd  
wie fern Er will oder nicht / das  
ist vns inn seinem Wort erkläret /  
Thommen wir dem nach / gut / da  
will Er / vnd ist barmhertzig / wo  
nit / da ist dann nichts / dann nicht  
wollen / vnbarhertzig sein / vnd  
nur mit denen zu dem Teuffel zu  
die auff sein gnadt vnd barmher-  
tzigkeit sündigen / vnd der Gemein-  
ergernus geben. Es ist sonst / von  
dem willen Gottes / ein sonderliche  
Tractatio, als principalis, Nemlich  
inn der heyligen Götlichen schrift  
dise. Das Gottes will nichts  
anders sey / dann eine rechte schär-  
f aller gerechtigkeit vnd alles guets /  
kan nicht irren / ist Recht vnd gut  
(darumb Gott / das ist / gut / sein  
Name ist) alles was er wil / gebeut  
vnd von vns begert.

Dargegen ist des Menschen  
willen irig / zunicht vnd böß / der  
Gottes

Gottes willen vnterworffen sein  
soll vnnnd mus / vnnnd Gottes wille  
mus vnd soll geschehen / in ihm als  
lein / vnser wille ist verderbt vnd soll  
nichts / durch die sünde vnnnd sacht  
Ade / vnseres ersten Vatters / was  
aber inn dem Menschen gutes ist /  
das kombt allein von oben herab  
vnd von Gott / der alles gutes inn  
im würcket / vnnnd will vnd begert  
Gott vom dem Menschen nichts  
anders / dann allein / das er dem  
wort / seines geliebten Sohns Je-  
su Christi / das er aus dem schoß  
seines Himlischen Vatters / vom  
oben herab / gebracht / auff das  
einfeltigest glauben gebe / on alles  
wülen vnd grüblen / welches auch  
sein höchste zier / glori vnd Ehre ist /  
ihn für einen warhastigen / almäch-  
tigen / ewigwerenden / des kein an-  
fang noch ende ist / achten vnd hal-  
ten / wie Johan: 17. Cap. gemel-  
det wirdt.

Des hast du ein schöne Figur  
Numeri am 13 vnnnd 14 Capitel/  
das ist der rechte wille Gottes/  
Nemlich seinen Sohn hören/des  
selbigen wort glauben/vnnnd vnns  
darnach richten/wie dann Mat-  
thei cap. 3. Gott der himlisch Vate-  
ter/in den Wolcken sich hœin leß/  
Hic est filius meus dilectus, hunc  
audite, den hœret/was sagter vnns/  
sein wort/darinn der wil Gottes des  
Derin geoffenbaret/ Hæc est vo-  
luntas patris, vt omnis, qui credat  
in illum, non pereat, sed habeat vi-  
tam æternam. Das heist zum ziel  
geschossen / vnnnd das schwarze  
pletzlein getroffen / das Gott der  
Vatter will vnd vnns gesteckt hat/  
vnnnd anders nicht/GOTT gebe  
man sage von dem willen Gottes  
was man wölle/so khan er kurtz  
rundt kheinen anderen willen ha-  
ben/vnd wil auch nichts anders/  
das habe ich von dem willen  
Gottes

Gottes schreiben wollen/das ich  
aus kheinem lären haben gethan/  
wers aber besser kan/mag sich ge-  
leiches fahls sehen lassen/doch das  
er sich der schrift gebrauche/sonst  
ist es vmb sonst vnd vergebens/vnd  
gelehrte Leute drum vnd da-  
non höre: Tantum de  
voluntate Dei.



Die

# Die ander pro- positton.

Ob ein Christliche Oberkeit/die  
Vnterthanen/zu der waren Reli-  
gion treiben vnnnd zwin-  
gen möge oder solle.

**Z**um andern/ist von der Ober-  
keit gehandelt vñ geredt wor-  
den/ob sie schuldig sey/die vn-  
terthanen zu Gottes Ehr/vñ dienst  
zuhalten/oder ob man sie dazu  
zwingen müge/darauff ich kürz-  
lich antworthe. Dieweil die Ober-  
keit/ein ordnung Gottes des her-  
ren ist/von Gott selb eingesetzt/dt  
sie gute ordnung selb/zucht vñ poli-  
licey erhalte/die frommen schütze  
vnd handthabe/die bösen aber vñ  
argen züchtige vnnnd straffe.  
schliesse nun ein jeder frommer Christ  
selb/

selb/ob ein Obrigkeit/nicht schul-  
dig sey zuwehren/welchs das grös-  
ste vbel/vnnd vnzifer ist/als abgöt-  
terey/dadurch leib vnnd Seel zu  
gleich verderben/vnnd zu grundt  
vnd Boden gehen ewigklich/one  
einige linderung der schmerzen vñ  
hertzleidts.

Dann die Obrigkeit mit einem  
auge auff Gott/mit dem anderen  
auff die Vnterthanen sehen sol/  
daraus man nun leicht abnemen  
kan/das sie den vnderessen so vil  
schuldig sey/als jr selber/vnd das  
Gott eben/vonn den Vnterthanen  
fordert/das er von einer Obrigkeit  
haben wil vnd begert/vnnd ist die  
Obrigkeit schuldig bey irer Selen  
heil vnd seligkeit/das sie die Vnter-  
than/aus allem Irthumb vnd ab-  
götterey reisse/auch mit gewalt vñ  
trang/dann so ein Mensch so hart  
inn falschem Gottes dienst/vnnd  
Abgötterey verstockt were/wolt  
mans

mans darumb stecken lassen/vnnd  
nicht retten noch wehren/vnnd  
ihm noch raum vnnd statt geben/  
Nein bey Leib nein/es ist do kein  
entschuldigung/ich wil niemandt  
zwingen/vnnd so villeicht das rei-  
ne Gottes wort bey den Vnterthanen  
gepredigt wurde/glaubten sie  
anders / vnnd bedörffte keines  
zwingen/wie sollen sie den rechten  
weg gehn/dierweil in den niemand  
zeiget.

Ja Abgötterey/vnnd falschen  
Gottesdienst des Teufels/bey den  
Vnterthanen treiben lassen/zuse-  
hen/vnnd darein bewilligen/heiß-  
denselbigen ehren vnnd anbetten.  
So wenig man schuldig ist / der  
Dbrigkeyt vnterthenig zusein/inn  
denen dingen/so wider Gott vnnd  
sein Göttliches wort sein/so wenig  
ist auch die Dbrigkeyt / den Vn-  
terthanen inn Irthumben vnnd  
falschen

falschen Gottes dienst zu zusehen/  
dann man mus Gott dem **HE**ren  
**HE**ren/mehr gehorsam sein/vnnd  
nachgeben/dann den Menschen  
Acto: 5. Cap: Man kan je nicht  
zweien widerwertigen **HE**ren  
dienen/dem **HE**ren Christo/  
vnd seinem widersacher dem Teuf:  
fel Matthei 6. Cap. Ey wie sein  
stehet es inn einer schönen Gemein  
Gottes/oder inn einem Landt/  
des **HE**ren Christi/vnd des  
Teuffels meinung vnnd Leer ver:  
kündigen lassen.

Man sol die Historia Danielis  
am 14 Cap: ansehen/do der Babil:  
lonische König dem Propheten  
gebott/das er den Trachen vor  
**G**ott anbetten solt/wolt Er in  
ihnem weg nicht/vnnd saget:  
Ich bette allein Gott/meinen her:  
ren an/dann Er der lebendige Got  
vnnd **HE**re ist/thet das Das  
niel/wider einen so mechtigen  
König/



König/vil minder ist ein Oberkeit/  
schuldig zuzusehen/das man Ab-  
götterey treibe/den bevolhen ist/  
auff die Vnterthanen acht zuhaben  
vnnnd für sie rechenschafft zugeben.  
Inn Summa/drey ding ist die O-  
berkeit/den Vnterthanen/vor Got  
schuldig/erstlich das sie williglich  
die Witwen vnnnd Waisen/annem-  
ellenden höre/ihre geschafft fördere.  
Zum andern die vnterthanen hand-  
habe vnnnd im friedt erhalte/dieses  
laite. Zum dritten/die Leuth inn  
aller Gotsforcht vñ waren erkente-  
nus Gottes des Herzen Christi/  
als die Hirten vnd diener der Kir-  
chen selbselber laden/vnnnd darzu  
ernstlich halte/also mus man darzu  
non reden/wie man darthun vnnnd  
beweisen kan.

Vnnnd ist die Obrigkeit nicht  
allein schuldig/das sie an der Le-  
fel/der zehen Gebot Gottes/hand-  
habe


habe vnnnd schütze / darinn begrif-  
fen / wie man Vatter vnnnd Mut-  
ter ehren / nicht tödten / stalen / Eh-  
brechen / vnnnd falsche zeugnus  
geben solle / vnnnd dergleichen la-  
ster mehr verboten seindt / sonn-  
der auch die erste Tafel / darinn  
ernstlich von Gott selb / gebotten /  
Wie man Gott allein anbetten /  
Abgötterey vnnnd falschen Gottes  
dienst meiden / den Namen Got-  
tes nicht vnnütz führen / Gottes  
wort lautter vnd pur lassen predi-  
gen / vnnnd seinen Namen heyligen-  
vnnnd irren alle die gar grausam /  
die da vermeinen / daß allein einer  
Obigkeit zustehet / das sie den ge-  
meinen nutz / vnnnd Rempublicam ci-  
uium versorgen / vnnnd derselbigen  
vnbilligkeit wehren vnnnd vorkom-  
men.

Nein / sonder das sie auch die  
sucht vnnnd Lehr inn der Christen-  
lichen

lichen Religion / vnnnd derselben  
Hauptstück fördere vnnnd promou-  
riere / derhalben soll ein Oberkeper  
drumb vnnnd dran sein / wie sie vor  
vnd nach Gott schuldig zu thun ist  
das sie die falschen Gottes dienste  
vnnnd Abgötterey verbiete vnd ab-  
schaffe / Gottlose / Ketzerische mei-  
nungen vntertrücke / Gottesleste-  
rung austilge / vnnnd der Christ-  
lichen Kirchen schmach ernstlich  
wehre / wie dann nicht allein die  
König Israel / sonnder auch der  
Nabugdonosor vnd Darius / die  
öffentliche Beuelch vnnnd beffüh-  
ge Mandat liessen ausgehen / in  
wellichen sie hart verbotten / das  
man wider Gott Israel / nicht le-  
sterwort reden dorffte. Vnnnd  
so man das thet / vnnnd GOTTES  
des grosmechtigen VERRÜ-  
der vber alle König ist / Reich als  
so suchete vnnnd förderte / wurden  
die

die Regierungen desto glückseliger  
sein / vnd schützet auch GDT  
ES handt sie / die sie mit allen  
Gütern vnd gaben begnaden köndt  
te / wie der Herz selber saget :

Glorificantes me glo-  
rificabo &c.



· N ij Die

# Die dritte Pro- position.

Besprenge mich **HERR** / mit  
Iyopen / das ich rein werde / vñ  
wasche mich / so wird ich  
vber den Schnehe  
weisser.

**Z**UM dritten vñnd letzten /  
des ein vñ fünffzigsten Psalms /  
Asperge me Domine ysope, &  
mundabor, & lauabis me, & super  
niuem dealbabor &c. Als wolt  
der Prophet sagen / dieweil du mein  
trewer / Ewiger / Barmhertziger  
Gott / lust vñnd lieb hast zur War-  
heit / vñnd ein sonderlichs gefallen  
welche im verborzen ligt / vñnd la-  
mich doch wissen / die heimlich  
weist

weisheit deiner Wahrheit / so verzweimel vnd verzage ich inn keinem wege / sonder schöpffe vil mehr / ein grosse hoffnung vnnnd vertrauen / vñ glaube gantzlich / du wirst mich von deinem heyligen Angesicht nit verwerffen / noch absündern / sonder wirst mich besprennen mit ysope / das ich gantz vnnnd gar rein werde.

Nun ist aber ysope / ein klein nidriges Krentlein / heisser arth / vnnnd Natur / vnnnd fast wolriechendt. Was bedent aber das Krentlin anders / dann den Sohn Gottes Jesum Christum / vnsern einigen heiligt vnd seligmacher / der sich selber genidriget hat bis in Todt / in den tod des Crentzes / vnser demütigkeit ist so gering daher / welche ihener Jude vnnnd Kabi haben wolte / wir können nit mit hindurch bringen / wir ducken vñ bucken vns

N iij wie

wie wir wollen / do mus ein ander  
Ifope sein / der einen sterckeren  
vnnnd besseren Geschmack hat  
vnnnd inn einem Edelern Land  
gewachsen ist / dann alhie auff  
dieser Erden vnnnd einode / das  
durch wir gereiniget sollen wer-  
den.

Als da ist / die genadt vnnnd  
Barmhertzigkeit Gottes inn sei-  
nem geliebten Sohn Ihesu Chri-  
sto / der vns mit innbrünstiger lieb  
vmbfangen / vnnnd vns / vonn allen  
vnsern Sünden vnnnd missethaten  
gewaschen vnnnd gereiniget hat  
inn seinem Rosenfarben Blut /  
der in dem süßen geruch seiner de-  
mütigkeyt vnnnd senfftmüt auch  
gerechtigkeyt / die gantze Welt  
mit gütte erfüllet hat / mitt dem  
Ifope würdest du mich bespren-  
gen / Wann du dein Dayliges  
vnichuldiges Blut / an dem stam-  
men

men des Creutzes / vber oder für  
mich wirst ausgiessen / wann  
derselbige Christus / durch den  
Glauben inn mir wohnen wirdt /  
wann ich ihm durch die Liebe  
eingeleibt werde / wann ich sei-  
nem Fustappen der niedrigkeyt  
volgen thue / vnnnd mit im ley-  
de / vnnnd mein Creutz gedultiglich  
trage.

Als denn werde ich rein / von  
allen meinen Sünden / du wirst  
mich waschen / mit meinen thre-  
nen / die aus hertzlicher Liebe /  
meines **HERZEN** Christi / von  
meinen Augen fließen / dann wer-  
de ich müde vom seufftzen / vnnnd  
schwemme mein Pett die gantze  
Nacht / vnnnd werde netzen mit  
meinen threnen / mein Läger /  
dann wirst du mich waschen /  
das ich schnee weis werde / Der  
Schnehe ist weis vnnnd kaldt /  
N iij also .



also bin ich vorwar auch / wann  
du mich mit ysopen besprenge  
so werde ich weis / wie der schne  
dann ich werdt allenthalben mit  
deinem liecht vmbgeben / welli  
ches alle leibliche schönheit vmb  
zier vbertriff / vnnnd werde durch  
dein gnadt vnnnd barmhertzigkeit  
zu allen Himelischen gütern er  
zündet werden.

Also das ich alle fleischliche  
affect vnnnd begierde verlassen wer  
de / kalt zu den zeitlichen vnd irbli  
schen / begierig vnnnd hitzig zu den  
Himelischen / hast du mich vor  
mals nach deiner grossen barm  
hertzigkeit / vonn sünden vnnnd al  
lem vbel gereiniget / so wasch mich  
weitter von meiner missethat / dan  
ich bin noch nicht vollkommen ge  
reiniget / verbürge du dein werck /  
nimb alle schuldt vonn mir / nimb  
hinweg alle bosheit / alle Sünde /  
alle

alle vbel vnd missethat / las leuch-  
ten dein Götliches liecht / entzün-  
de mein hertz inn deiner Götlichen  
liebe / das ich dein Barmhertzig-  
keit inn deinem geliebten kreutlein  
ysopo / das ist / inn der demütigkeit  
Ihesu Christi / recht erkennen  
mag.


Das ist der rechte verstandt  
vnd innhalt / dises wörtlein / yso-  
pi / der Jüdischen schar Kabi / sag  
was Er wölle / wir haben gelehrte  
Leuthe genugsam die Christn sein /  
bedürffen keiner Juden / in dem fal-  
die der Deyligen Schrift maiz-  
nungen vnd wörter torquieren /  
vnd nach ihrer meinung vnd  
Jüdischem brauch auslegen / Got  
sey vnns gnedig / das wol von nö-  
then ist / die Welt ist wol so gar  
Gotlos / das mans schier nicht wis-  
sen kan / was Juden oder Christen  
sein / mit dem Namen findet man  
N v ihr


1002344


Ihr wol/aber inn der That vnd  
Wercken wenig oder gar nicht/  
es wirdt aber baldt besser wer-  
den/dann der Tage des  
Herzn ist nit weit/dz  
ist gewis/als  
der Tages  
schein.


F I N I S.

Gedruckt zu Nürnberg/best.  
Christoff Heußler.  
1561.









OCN 6800 6596